

Ֆինանսական հաշվետվությունների միջազգային ստանդարտ 7 Ֆինանսական գործիքներ. բացահայտումներ

Նպատակը

- 1 Սույն ՖՀՍՍ-ի նպատակն է պահանջել կազմակերպություններից իրենց ֆինանսական հաշվետվություններում ներկայացնել այնպիսի բացահայտումներ, որոնք հնարավորություն կտան օգտագործողներին գնահատել՝
 - (ա) ֆինանսական գործիքների նշանակությունը (կարևորությունը) կազմակերպության ֆինանսական վիճակի և արդյունքների տեսանկյունից, և
 - (բ) ժամանակաշրջանի ընթացքում և հաշվետու ժամանակաշրջանի վերջում ֆինանսական գործիքներից բխող ռիսկերի, որոնց ենթարկված է կազմակերպությունը, բնույթը և չափը, ինչպես նաև այն, թե ինչպես է կազմակերպությունը կառավարում այդ ռիսկերը:
- 2 Սույն ստանդարտում պարունակվող սկզբունքները լրացնում են ֆինանսական ակտիվների և ֆինանսական պարտավորությունների ձանաշման, չափման և ներկայացման սկզբունքները, որ սահմանված են «Ֆինանսական գործիքներ. ներկայացումը» ՀՀՍՍ 32-ում և «Ֆինանսական գործիքներ. ձանաշումը և չափումը» ՀՀՍՍ 39-ում:

Գործողության ոլորտը

- 3 Սույն ստանդարտը պետք է կիրառվի բոլոր կազմակերպությունների կողմից բոլոր տեսակի ֆինանսական գործիքների նկատմամբ, բացառությամբ՝
 - (ա) դուստր կազմակերպություններում, ասոցիացված կազմակերպություններում կամ համատեղ ձեռնարկումներում այն ներդրումների (մասնակցությունների), որոնք հաշվառվում են «Համախմբված և առանձին ֆինանսական հաշվետվություններ» ՀՀՍՍ 27-ին, «Ալոգիացված կազմակերպություններում ներդրումներ» ՀՀՍՍ 28-ին կամ «Մասնակցություն համատեղ ձեռնարկումներում» ՀՀՍՍ 31-ին համապատասխան։ Այնուամենայնիվ, որոշ դեպքերում ՀՀՍՍ 27-ը, ՀՀՍՍ 28-ը կամ ՀՀՍՍ 31-ը թույլ են տալիս կազմակերպությանը դուստր կազմակերպություններում, ասոցիացված կազմակերպություններում կամ համատեղ ձեռնարկումներում ներդրումները հաշվառել ըստ ՀՀՍՍ 39-ի։ Այդ դեպքերում կազմակերպությունը պետք է կիրարի այդ ստանդարտի պահանջները։ Կազմակերպությունները պետք է սույն ստանդարտը կիրարեն նաև այդ դուստր կազմակերպություններում, ասոցիացված կազմակերպություններում կամ համատեղ ձեռնարկումներում ներդրումների հետ կապված բոլոր ածանցյալների նկատմամբ, բացառությամբ, եթե այդ ածանցյալ գործիքները համապատասխանում են բաժնային գործիքի սահմանմանը ըստ ՀՀՍՍ 32-ի։
 - (բ) աշխատակիցների հատուցումների պլաններից առաջացող գործատուների իրավունքների և պարտականությունների, որոնց նկատմամբ կիրարվում է «Աշխատակիցների հատուցումներ» ՀՀՍՍ 19-ը։
 - (գ) (հանված է):
 - (դ) ապահովագրական պայմանագրերի, ինչպես սահմանված է «Ապահովագրության պայմանագրեր» ՖՀՍՍ 4-ում։ Այնուամենայնիվ, սույն ՖՀՍՍ-ն կիրառվում է ապահովագրական պայմանագրերում ներկառուցված ածանցյալ գործիքների նկատմամբ, եթե ՀՀՍՍ 39-ով պահանջում է այդ ածանցյալ գործիքները հաշվառել առանձին։ Ավելին, թողարկողը պետք է կիրարի սույն ՖՀՍՍ-ն ֆինանսական երաշխիքի պայմանագրերի նկատմամբ, եթե թողարկողը պայմանագրի ձանաշման և չափման

համար կիրառում է ՀՀՍՍ 39-ը, սակայն պետք է կիրարի ՖՀՍՍ 4-ը, եթե, համաձայն ՖՀՍՍ 4-ի 4(դ) պարագրաֆի, թողարկողը պայմանագրի ճանաչման և չափման համար ընտրում է ՖՀՍՍ 4-ի կիրառությունը:

- (ե) բաժնետոմսերի վրա հիմնված վճարումների գործարքների ներքո առաջացող ֆինանսական գործիքների, պայմանագրերի և պարտականությունների, որոնց նկատմամբ կիրարվում է «Բաժնետոմսերի վրա հիմնված վճարում» ՖՀՍՍ 2-ը, բացառությամբ այն պայմանագրերի, որոնք գտնվում են ՀՀՍՍ 39-ի 5-7 պարագրաֆների գործողության ոլորտում, և որոնց նկատմամբ կիրարվում է սույն ստանդարտը:
- (զ) այն գործիքների, որոնք պահանջվում է դասակարգել որպես բաժնային գործիքներ՝ ՀՀՍՍ 32-ի 16Ա և 16Բ կամ 16Գ և 16Դ պարագրաֆներին համապատասխան:
- 4 Սույն ՖՀՍՍ-ն կիրարվում է ճանաչված և չճանաչված ֆինանսական գործիքների նկատմամբ: Ճանաչված ֆինանսական գործիքները ներառում են ՀՀՍՍ 39-ի գործողության ոլորտում գտնվող ֆինանսական ակտիվները և ֆինանսական պարտավորությունները: Չճանաչված ֆինանսական գործիքները ներառում են որոշ ֆինանսական գործիքներ, որոնք, թեև ՀՀՍՍ 39-ի գործողության ոլորտից դուրս են, գտնվում են սույն ստանդարտի գործողության ոլորտում (ինչպիսիք են, օրինակ, վարկ տալու պարտավորվածությունները):
- 5 Սույն ՖՀՍՍ-ն կիրարվում է ոչ ֆինանսական հոդվածների գնման կամ վաճառքի պայմանագրերի նկատմամբ, որոնք ՀՀՍՍ 39-ի գործողության ոլորտում են:

Ֆինանսական գործիքների դասեր և բացահայտումների խորության աստիճանը

- 6 Եթե սույն ՖՀՍՍ-ն պահանջում է կատարել բացահայտումներ ըստ ֆինանսական գործիքների դասերի, կազմակերպությունը պետք է խմբավորի ֆինանսական գործիքներն ըստ այնպիսի դասերի, որոնք համապատասխանում են բացահայտվող տեղեկատվության բնույթին և որոնք հաշվի են առնում այդ ֆինանսական գործիքների բնութագրերը: Կազմակերպությունը պետք է ներկայացնի բավարար տեղեկատվություն, որը թույլ կտա դրանք համաձայնեցնել ֆինանսական վիճակի մասին հաշվետվությունում ներկայացված տողային հոդվածների հետ:

Ֆինանսական գործիքների նշանակությունը ֆինանսական վիճակի և գործունեության արդյունքների համար

- 7 Կազմակերպությունը պետք է բացահայտի տեղեկատվություն, որը թույլ կտա իր ֆինանսական հաշվետվություններն օգտագործողներին գնահատել ֆինանսական գործիքների նշանակությունը (ազդեցությունը) իր ֆինանսական վիճակի և գործունեության արդյունքների համար (վրա):

Ֆինանսական վիճակի մասին հաշվետվություն

Ֆինանսական ակտիվների և ֆինանսական պարտավորությունների կատեգորիաներ

- 8 Հետևյալ կատեգորիաներից, ինչպես սահմանված են ՀՀՍՍ 39-ում, յուրաքանչյուրի հաշվեկշռային արժեքը պետք է բացահայտվի կամ ֆինանսական վիճակի մասին հաշվետվությունում, կամ ծանոթագրություններում:
- (ա) «իրական արժեքով՝ շահույթ կամ վնասի միջոցով՝ չափվող» ֆինանսական ակտիվներ, առանձին ցույց տալով՝ (i) որպես այդպիսին սկզբնական ճանաչման ժամանակ նախորոշվածները, և (ii) ՀՀՍՍ 39-ին համապատասխան որպես առևտրական նպատակներով պահպող դասակարգվածները.

- (բ) մինչև մարման ժամկետը պահպող ներդրումներ,
- (գ) փոխառություններ և դեբիտորական պարտքեր,
- (դ) վաճառքի համար մատչելի ֆինանսական ակտիվներ,
- (Ե) «Իրական արժեքով՝ շահույթ կամ վնասի միջոցով չափվող» ֆինանսական պարտավորություններ, առանձին ցույց տալով՝ (i) սկզբնական ժամանակ որպես այդպիսին նախորոշվածները, և (ii) ՀՀՍՍ 39-ին համապատասխան որպես առևտրական նպատակներով պահպող դասակարգվածները,
- (զ) ամորտիզացված արժեքով չափվող ֆինանսական պարտավորություններ:
- «Իրական արժեքով՝ շահույթ կամ վնասի միջոցով չափվող» ֆինանսական ակտիվներ կամ ֆինանսական պարտավորություններ**
- 9 Եթե կազմակերպությունը փոխառությունը կամ դեբիտորական պարտքը (կամ փոխառությունների կամ դեբիտորական պարտքերի խումբը) նախորոշել է որպես «Իրական արժեքով՝ շահույթ կամ վնասի միջոցով չափվող», ապա այն պետք է բացահայտի
- (ա) փոխառության կամ դեբիտորական պարտքի (կամ փոխառությունների կամ դեբիտորական պարտքերի խմբի) պարտքային ռիսկին (տես՝ պարագրաֆ 36(ա)) առավելագույն ենթարկվածությունը հաշվետու ժամանակաշրջանի վերջում,
- (բ) այն գումարը, որով համապատասխան պարտքային ածանցյալ գործիքները կամ նմանատիպ գործիքները նվազեցնում են պարտքային ռիսկին այդ առավելագույն ենթարկվածությունը,
- (շ) փոխառության կամ դեբիտորական պարտքի (կամ փոխառությունների կամ դեբիտորական պարտքերի խմբի) իրական արժեքի փոփոխության գումարը՝ ժամանակաշրջանի ընթացքում և կուտակային իմունքով, որը վերագրելի է ֆինանսական ակտիվի պարտքային ռիսկի փոփոխություններին՝ որոշված կամ՝
- (i) որպես իր իրական արժեքի փոփոխության գումար, որը վերագրելի չէ շուկայական պայմանների փոփոխությանը, որոնք առաջացնում են շուկայական ռիսկ, կամ
- (ii) օգտագործելով որևէ այլընտրանքային մեթոդ, որը կազմակերպության համոզմամբ, ավելի արժանահավատորեն է ներկայացնում ակտիվի իրական արժեքի՝ պարտքային ռիսկի փոփոխություններին վերագրելի փոփոխության գումարը:
- Շուկայական պայմանների փոփոխությունները, որոնք առաջացնում են շուկայական ռիսկ, ներառում են դիտարկված (Ելակետային) տոկոսադրույթի, ապրանքի գնի, արտարժույթի փոխարժեքի կամ գների կամ դրույների ինդեքսի փոփոխությունները:
- (դ) համապատասխան վարկային ածանցյալ գործիքի կամ նմանատիպ գործիքի իրական արժեքի փոփոխության գումարը՝ ժամանակաշրջանի ընթացքում, ինչպես նաև կուտակային իմունքով այն պահից, եթե փոխառությունը կամ դեբիտորական պարտքը նախորոշվել է:
- 10 Եթե կազմակերպությունը ֆինանսական պարտավորությունը նախորոշել է որպես «Իրական արժեքով՝ շահույթ կամ վնասի միջոցով չափվող» հանաձայն ՀՀՍՍ 39-ի պարագրաֆ 9-ի, ապա այն պետք է բացահայտի.
- (ա) ֆինանսական պարտավորության իրական արժեքի փոփոխության գումարը՝ ժամանակաշրջանի ընթացքում և կուտակային իմունքով, որը վերագրելի է ֆինանսական պարտավորության պարտքային ռիսկի փոփոխություններին՝ որոշված կամ
- (i) որպես իր իրական արժեքի փոփոխության գումար, որը վերագրելի չէ շուկայական պայմանների փոփոխությանը, որոնք առաջացնում են շուկայական ռիսկ (տես՝ Հավելված Բ, պարագրաֆ Բ4), կամ

- (ii) օգտագործելով որևէ այլընտրանքային մեթոդ, որը, կազմակերպության համոզմամբ, ավելի արժանահավատորեն է ներկայացնում պարտավորության իրական արժեքի՝ պարտքային ռիսկի փոփոխություններին վերագրելի փոփոխության գումարը:

Ծուկայական պայմանների փոփոխությունները, որոնք առաջացնում են շուկայական ռիսկ, ներառում են ելակետային տոկոսադրույթի, այլ կազմակերպության ֆինանսական գործիքի գնի, ապրանքի գնի, արտարժույթի փոխարժեքի, կամ գների կամ դրույքների ինդեքսի փոփոխությունները: Փայի հետ կապված հատկանիշ պարունակող պայմանագրերի համար շուկայական պայմանների փոփոխությունները, ներառում են համապատասխան ներքին կամ արտաքին ներդրումային հիմնադրամների ֆինանսական արդյունքի փոփոխությունները:

- (p) ֆինանսական պարտավորության հաշվեկշռային արժեքի և այն գումարի միջև տարբերությունը, որը, ըստ պայմանագրի, կազմակերպությունը պարտավոր է վճարել պարտատիրոջը մարման ամսաթվի դրությամբ:

11 Կազմակերպությունը պետք է բացահայտի.

- (ա) 9(գ) և 10(ա) պարագրաֆների պահանջները բավարարելու համար օգտագործվող մեթոդները.
- (բ) Եթե կազմակերպության համոզմամբ 9(գ) և 10(ա) պարագրաֆների պահանջները բավարարելու համար կատարված բացահայտումները արժանահավատորեն չեն ներկայացնում ֆինանսական ակտիվի կամ ֆինանսական պարտավորության իրական արժեքի փոփոխությունը, որը վերագրելի է իր պարտքային ռիսկին, ապա այդ եզրակացությանը հանգելու պատճառները և այն գործոնները, որոնք, կազմակերպության համոզմամբ, տեղին են տվյալ իրավիճակում:

Վերադասակարգում

12 Եթե կազմակերպությունը (ՀՀՍՍ 39-ի 51-54 պարագրաֆներին համապատասխան) ֆինանսական ակտիվը վերադասակարգել է որպես այնպիսին, որը չափվում է՝

- (ա) ինքնարժեքով կամ ամորտիզացված արժեքով, այլ ոչ թե իրական արժեքով, կամ
- (բ) իրական արժեքով, այլ ոչ թե ինքնարժեքով կամ ամորտիզացված արժեքով,
- ապա այն պետք է բացահայտի յուրաքանչյուր կատեգորիայում և յուրաքանչյուր կատեգորիայից վերադասակարգված գումարը, ինչպես նաև վերադասակարգման պատճառը:

12Ա Եթե կազմակերպությունը վերադասակարգել է ֆինանսական ակտիվը հանելով «իրական արժեքով՝ շահույթ կամ վնասի միջոցով չափվող» կատեգորիայից ՀՀՍՍ 39-ի 50Բ կամ 50Գ պարագրաֆներին համապատասխան կամ «վաճառքի համար մատչելի» կատեգորիայից ՀՀՍՍ 39-ի 50Ե պարագրաֆին համապատասխան, այն պետք է բացահայտի.

- (ա) յուրաքանչյուր կատեգորիայում և յուրաքանչյուր կատեգորիայից վերադասակարգված գումարը,
- (բ) յուրաքանչյուր հաշվետու ժամանակաշրջանի համար մինչև ապահանաչում՝ բոլոր այն ֆինանսական ակտիվների հաշվեկշռային արժեքները և իրական արժեքները, որոնք ընթացիկ և նախորդ հաշվետու ժամանակաշրջաններում վերադասակարգել են.
- (գ) Եթե ֆինանսական ակտիվը վերադասակարգվել է 50Բ պարագրաֆին համապատասխան, ապա այն հազվադեպ իրավիճակը, և այն փաստերը և հանգամանքները, որոնք ցուցանշում են, որ իրավիճակը հազվադեպ է.
- (դ) այն հաշվետու ժամանակաշրջանի համար, եթե տեղի է ունեցել ֆինանսական ակտիվի վերադասակարգումը, ֆինանսական ակտիվի իրական արժեքով վերաչափումից օգուտը կամ կորուստը, որը ձանաչվել է շահույթ կամ վնասում կամ այլ համապարփակ ֆինանսական արդյունքում՝ տվյալ հաշվետու ժամանակաշրջանում և նախորդ հաշվետու ժամանակաշրջանում;

- (ե) վերադասակարգմանը հաջորդող յուրաքանչյուր հաշվետու ժամանակաշրջանի համար (ներառյալ այն հաշվետու ժամանակաշրջանի, եթե ֆինանսական ակտիվը վերադասակարգվել է) մինչև ֆինանսական ակտիվի ապաձանաչումը, իրական արժեքով վերաչափումից օգուտը կամ կորուստը, որը ճանաչված կլիներ շահույթ կամ վնասում կամ այլ համապարփակ ֆինանսական արդյունքում, եթե ֆինանսական ակտիվը չվերադասակարգվեր, ինչպես նաև շահույթ կամ վնասում ճանաչված օգուտը, կորուստը, եկամուտը և ծախսը, և
- (զ) արդյունավետ տոկոսադրույթը և դրամական հոսքերի գնահատված գումարը, որը կազմակերպությունն ակնկալում է փոխհատուցել ֆինանսական ակտիվի վերադասակարգման ամսաթվի դրությամբ:

Ապաձանաչում

- 13 Կազմակերպությունը կարող է ֆինանսական ակտիվները փոխանցել այնպես, որ այդ ֆինանսական ակտիվները կամ դրանց մի մասը չբավարարեն ապաձանաչման չափանիշների (տես ՀՀՍՍ 39-ի 15-37 պարագրաֆները): Այդպիսի ֆինանսական ակտիվների յուրաքանչյուր դասի համար կազմակերպությունը պետք է բացահայտի.
- (ա) ակտիվների բնույթը,
 - (բ) սեփականության հետ կապված այն ռիսկերի և օգուտների բնույթը, որոնց կազմակերպությունը մնում է ենթարկված:
 - (գ) երբ կազմակերպությունը շարունակում է ճանաչել այդ բոլոր ակտիվները, ապա՝ ակտիվների և դրանց հետ կապված պարտավորությունների հաշվեկշռային արժեքները, և
 - (դ) երբ կազմակերպությունը շարունակում է ճանաչել ակտիվները իր շարունակական ներգրավվածության չափով, ապա՝ սկզբնական ակտիվների ընդհանուր հաշվեկշռային արժեքը, այն ակտիվների արժեքը, որոնց կազմակերպությունը շարունակում է ճանաչել, և դրանց հետ կապված պարտավորությունների հաշվեկշռային արժեքը:

Գրավ

- 14 Կազմակերպությունը պետք է բացահայտի.
- (ա) իր այն ֆինանսական ակտիվների հաշվեկշռային արժեքը, որոնք նա գրավադրել է որպես իր պարտավորությունների կամ պայմանական պարտավորությունների ապահովություն, ներառյալ ՀՀՍՍ 39-ի 37(ա) պարագրաֆին համապատասխան վերադասակարգված գումարները, և
 - (բ) գրավադրման պայմանները:
- 15 Եթե կազմակերպությունը պահում է գրավ (որը ֆինանսական կամ ոչ ֆինանսական ակտիվ է), և հրավորները ունի վճարել կամ վերագրավադրել գրավը առանց գրավատուի կողմից խախտման դեպքի, ապա կազմակերպությունը պետք է բացահայտի.
- (ա) պահվող գրավի իրական արժեքը,
 - (բ) վաճառված կամ վերագրավադրված նման գրավի իրական արժեքը և այն, թե արդյոք կազմակերպությունը ունի այն վերադարձնելու պարտականություն,
 - (գ) գրավի օգտագործման հետ կապված պայմանները:

Պարտքային կորուստների գծով պահուստի հաշիվ

- 16 Երբ ֆինանսական ակտիվներն արժեգրկված են պարտքային կորուստների պատճառով, և կազմակերպությունը արժեգրկումը գրանցում է առանձին հաշվում (օրինակ, պահուստի հաշիվ, որն օգտագործվում է անհատական արժեգրկումները գրանցելու համար կամ նմանատիպ հաշիվ, որն օգտագործվում է ակտիվների խմբային արժեգրկումը գրանցելու համար), այլ ոչ թե

ուղղակիորեն նվազեցնում ակտիվի հաշվեկշռային արժեքը, ապա այն պետք է բացահայտի այդ հաշվի փոփոխությունները ժամանակաշրջանի ընթացքում ֆինանսական ակտիվների յուրաքանչյուր դասի համար:

Բաղադրյալ ֆինանսական գործիքներ՝ բազմակի ներկառուցված ածանցյալներով

- 17 Եթե կազմակերպությունը թողարկել է գործիք, որը պարունակում է և պարտավորության, և սեփական կապիտալի բաղադրիչ (տես ՀՀՍՍ 32-ի պարագրաֆ 28-ը), և գործիքն ունի բազմակի ներկառուցված ածանցյալներ, որոնց արժեքները փոփոխապակցված են (ինչպես օրինակ հետևյալի փոփոխարկելի պարտքային գործիքը), ապա այն պետք է բացահայտի այդ հատկանիշների առկայությունը:

Պայմանների խախտումներ

- 18 Հաշվետու ժամանակաշրջանի վերջի դրությամբ ձանաչած վարկային պարտավորությունների գծով կազմակերպությունը պետք է բացահայտի.
- (ա) ժամանակաշրջանի ընթացքում այդ վարկային պարտավորությունների մայր գումարի, տոկոսների, մարման հիմնադրամին հատկացումների, կամ մարման պայմանների ցանկացած խախտումն մանրամասները
- (բ) այն վարկային պարտավորությունների հաշվեկշռային արժեքը հաշվետու ժամանակաշրջանի վերջում, որոնց գծով տեղի է ունեցել խախտում
- (գ) արդյոք մինչև ֆինանսական հաշվետվությունների հրապարակման համար հաստատումը խախտումները վերացվել (վերականգնվել) են, կամ վերանայվել են վարկային պարտավորությունների մարման պայմանները:
- 19 Եթե ժամանակաշրջանի ընթացքում եղել են փոփոխության համաձայնագրի պայմանների այլ պարագրաֆ 18-ում նկարագրվածներից տարբեր խախտումներ, ապա կազմակերպությունը պետք է բացահայտի նոյն տեղեկատվությունը, որը պահանջվում է պարագրաֆ 18-ով, եթե այդ խախտումները թույլ են տալիս վարկատուին պահանջել արագացված մարում (բացառությամբ, եթե խախտումները վերացվել կամ փոփոխության պայմանները վերանայվել են հաշվետու ժամանակաշրջանի վերջում կամ դրանից առաջ):

Համապարփակ ֆինանսական արդյունքի մասին հաշվետվություն

Եկամտի, ծախսի, օգուտի կամ կորստի հոդվածներ

- 20 Կազմակերպությունը պետք է եկամտի, ծախսի, օգուտի կամ կորստի հետևյալ հոդվածները բացահայտի կամ համապարփակ ֆինանսական արդյունքի մասին հաշվետվությունում, կամ ծանոթագրություններում.
- (ա) օգուտ օգուտը կամ օգուտ կորուստը հետևյալների գծով.
- (ի) «իրական արժեքով՝ շահույթ կամ վնասի միջոցով» չափվող ֆինանսական ակտիվների կամ ֆինանսական պարտավորությունների առանձին ցույց տալով սկզբնական ձանաչած ժամանակ որպես այդպիսին նախորոշվածների գծով առաջացածը և ՀՀՍՍ 39-ին համապատասխան առևտրական նպատակներով պահպող դասակարգվածների գծով առաջացածը.
- (ii) վաճառքի համար մատչելի ֆինանսական ակտիվների՝ առանձին առանձին ցույց տալով այլ համապարփակ ֆինանսական արդյունքում ժամանակաշրջանի ընթացքում ձանաչած օգուտ կամ կորստի գումարը, և սեփական կապիտալից ժամանակաշրջանի շահույթ կամ վնասում վերադարձված գումարը.
- (iii) մինչև մարման ժամանակաշրջանի շահույթ կամ վնասում վերադարձված գումարը.

- (iv) փոխառությունների և դեբիտորական պարտքերի.
- (v) ամորտիզացված արժեքով չափվող ֆինանսական պարտավորությունների
- (p) ընդհանուր տոկոսային եկամուտը և ընդհանուր տոկոսային ծախսը (հաշվարկված արդյունավետ տոկոսադրույթի մեթոդով) այն ֆինանսական ակտիվների կամ ֆինանսական պարտավորությունների համար, որոնք չեն հանդիսանում «իրական արժեքով՝ շահույթ կամ վնասի միջոցով» չափվող.
- (q) վճարների գծով եկամուտը և ծախսը (բացի արդյունավետ տոկոսադրույթը հաշվարկելիս հաշվի առնված գումարներից), որոնք առաջացել են՝
 - (i) ֆինանսական ակտիվներից կամ ֆինանսական պարտավորություններից, որոնք չեն հանդիսանում «իրական արժեքով՝ շահույթ կամ վնասի միջոցով» չափվող, և
 - (ii) հավատարմագրային և այլ ֆիդուցիար գործունեություններից, որոնք հանգեցնում են ակտիվների ներդրմանը կամ պահմանը անհատների, տրաստների, թոշակային հիմնադրամների, և այլ հաստատությունների անունից:
- (r) տոկոսային եկամուտը արժեգրկված ֆինանսական ակտիվների գծով՝ հաշվեգրված ՀՀՍՍ 39-ի ԿՈՒ93 պարագրաֆին համապատասխան, և
- (t) արժեգրկումից կորստի գումարը՝ ֆինանսական ակտիվների յուրաքանչյուր դասի գծով:

Այլ բացահայտումներ

Հաշվապահական հաշվառման քաղաքականություն

21 «Ֆինանսական հաշվետվությունների ներկայացում» ՀՀՍՍ 1-ի (2007-ին վերանայված) պարագրաֆ 117-ին համապատասխան, կազմակերպությունը բացահայտում է հաշվապահական հաշվառման քաղաքականության էական դրույթները ամփոփ կերպով, ֆինանսական հաշվետվությունները պատրաստելիս օգտագործված չափման հիմունքը (կամ հիմունքները) և հաշվապահական հաշվառման քաղաքականության այլ տարրերը, որոնք տեղին են ֆինանսական հաշվետվությունները հասկանալու համար:

Հեջի հաշվառում

22 Կազմակերպությունը պետք է բացահայտի հետևյալը, ՀՀՍՍ 39-ում նկարագրված հեջի յուրաքանչյուր տեսակի (այսինքն՝ իրական արժեքի հեջերի, դրամական հոսքերի հեջերի և արտերկրյա ստորաբաժանումներում գուտ ներդրումների հեջերի) համար առանձին՝

- (a) հեջի յուրաքանչյուր տեսակի նկարագրությունը.
- (b) որպես հեջավորման գործիքներ նախատեսված ֆինանսական գործիքների նկարագրությունը և նրանց իրական արժեքները հաշվետու ժամանակաշրջանի վերջում, և
- (c) հեջավորված ռիսկերի բնույթը:

- 23 Դրամական հոսքերի հեջերի գծով կազմակերպությունը պետք է բացահայտի.
- (a) այն ժամանակահատվածները, երբ ակնկալվում է, որ դրամական հոսքերը տեղի կունենան, և երբ ակնկալվում է, որ դրամական շահույթ կամ վնասի վրա.
 - (b) ցանկացած կանխատեսվող գործարքի նկարագրություն, որի համար նախկինում օգտագործվել է հեջի հաշվառում, սակայն, որի տեղի ունենալը այլև չի ակնկալվում.
 - (c) ժամանակաշրջանի ընթացքում համապարփակ ֆինանսական արդյունքում ձանաչված գումարը.

- (η) սեփական կապիտալից ժամանակաշրջանի շահույթ կամ վճասում վերադասակարգված գումարը՝ ցույց տալով համապարփակ ֆինանսական արդյունքի նաև հաշվետվության յուրաքանչյուր տողային հոդվածում ներառված գումարը, և
- (է) այն գումարը, որը ժամանակաշրջանի ընթացքում հանվել է սեփական կապիտալից և ներառվել է այնպիսի ոչ ֆինանսական ակտիվի կամ ոչ ֆինանսական պարտավորության ինքնարժեքում կամ այլ հաշվեկշռային արժեքում, որի ձեռք բերումը կամ ստանձնելը հանդիսացել է հեջավորված մեծապես հավանական կանխատեսվող գործարք:
- 24 Կազմակերպությունը պետք է առանձին բացահայտի.
- (ա) իրական արժեքի հեջերի համար՝ օգուտը կամ կորուստները՝
 (i) հեջավորման գործիքի գծով, և
 (ii) հեջավորվող ռիսկին վերագրելի հեջավորված հոդվածից:
- (բ) շահույթ կամ վճասում ժամանակած անարդյունավետությունը, որն առաջանում է դրամական հոսքերի հեջից, և
- (գ) շահույթ կամ վճասում ժամանակած անարդյունավետությունը, որն առաջանում է արտերկրյա ստորաբաժանումներում գուտ ներդրման հեջից:

Իրական արժեք

- 25 Բացի պարագրաֆ 29-ում շարադրված դեպքեց, ֆինանսական ակտիվների և ֆինանսական պարտավորությունների յուրաքանչյուր դասի (տե՛ս պարագրաֆ 6) գծով կազմակերպությունը պետք է բացահայտի ակտիվների և պարտավորությունների այդ դասի իրական արժեքը այնպիսի ձևով, որ հնարավոր լինի այն համեմատել դրա հաշվեկշռային արժեքի հետ:
- 26 Իրական արժեքները բացահայտելիս կազմակերպությունը պետք է ֆինանսական ակտիվները և ֆինանսական պարտավորությունները խնբավորի ըստ դասերի, սակայն պետք է հաշվանցի դրանք միայն այն չափով, որով դրանց հաշվեկշռային արժեքները հաշվանցվում են ֆինանսական վիճակի մասին հաշվետվությունում:
- 27 Կազմակերպությունը պետք է ֆինանսական գործիքների յուրաքանչյուր դասի գծով բացահայտի ֆինանսական ակտիվների և ֆինանսական պարտավորությունների յուրաքանչյուր դասի իրական արժեքը որոշելիս օգտագործված մերուները, իսկ գնահատման հնարքներ օգտագործելու դեպքում՝ նաև կիրառված ենթադրությունները: Օրինակ, եթե տեղին է, կազմակերպությունը բացահայտում է տեղեկատվություն վաղաժամ մարման գործակիցների, գնահատված պարտքային կորուստների չափերի, տոկոսադրույթների կամ գեղջման գործակիցների վերաբերյալ ենթադրությունների մասին: Եթե փոփոխություն է կատարվել գնահատման հնարքում, ապա կազմակերպությունը պետք է բացահայտի այդ փոփոխությունը և դրա կատարման պատճառները:
- 27Բ պարագրաֆով պահանջվող բացահայտումները կատարելու համար կազմակերպությունը պետք է իրական արժեքի չափումները դասակարգի՝ օգտագործելով իրական արժեքների հիերարխիան, որն արտացոլում է չափումները կատարելիս օգտագործված ելակետային տվյալների նշանակալիությունը: Իրական արժեքների հիերարխիան պետք է ունենա հետևյալ մակարդակները՝
- ա) նույն ակտիվների կամ պարտավորությունների գծով ակտիվ շուկաներում գնանշվող գները (չշշգրտված) (1-ին մակարդակ).
- բ) 1-ին մակարդակում ներառված գնանշվող գներից տարբեր այլ ելակետային տվյալներ, որոնք ակտիվի կամ պարտավորության գծով դիտարկվում են կամ ուղղակիրրեն (այսինքն՝ որպես գներ), կամ անուղղակիրրեն (այսինքն՝ գների հիման վրա ստացվող) (2-րդ մակարդակ).
- գ) ակտիվի կամ պարտավորության գծով ելակետային տվյալներ, որոնք հիմնված չեն դիտարկվող շուկայական տվյալների վրա (ոչ դիտարկելի ելակետային տվյալներ) (3-րդ մակարդակ):

Իրական արժեքների հիերարխիայում այն մակարդակը, որին դասվում է իրական արժեքի չափումը, պետք է որոշվի ամենացածր մակարդակի ելակետահի տվյալի հիման վրա, որը նշանակալի է ամբողջությամբ վերցրած իրական արժեքի չափման համար: Այդ նպատակի համար ելակետային տվյալի նշանակալիությունը գնահատվում է ամբողջությամբ վերցրած իրական արժեքի համար: Եթե իրական արժեքի չափման համար օգտագործվում են դիտարկվող ելակետային տվյալներ, որոնք պահանջում են նշանակալի ճշգրտումներ՝ հիմնված ոչ դիտարկելի տվյալների վրա, ապա այդ չափումը 3-րդ մակարդակի չափում է: Ամբողջությամբ վերցրած իրական արժեքի չափման համար կոնկրետ ելակետային տվյալի նշանակալիության գնահատումը պահանջում է դատողություններ՝ հաշվի առնելով տվյալ ակտիվին կամ պարտավորությանը բնորոշ գործուները:

27Բ Ֆինանսական վիճակի մասին հաշվետվությունում ձանաչված իրական արժեքների չափումները գծով կազմակերպությունը պետք է ֆինանսական գործիքների յուրաքանչյուր դասի գծով բացահայտի՝

- (ա) իրական արժեքի հիերարխիայում այն մակարդակը, որին դասվում են իրական արժեքների չափումներն՝ ամբողջությամբ վերցրած, ընդ որում՝ իրական արժեքների չափումները պետք է առանձնացվեն 27Ա պարագրաֆում սահմանված մակարդակներին համապատասխան.
- (բ) իրական արժեքի հիերարխիայում 1-ին և 2-րդ մակարդակների միջև նշանակալի փոխանցումները և այդ փոխանցումների պատճառները: Յուրաքանչյուր մակարդակում ներառված և յուրաքանչյուր մակարդակից հանված փոխանցումները պետք է բացահայտվեն և բացատրվեն իրարից առանձին: Այս նպատակի համար նշանակալիությունը պետք է գնահատվի շահույթի կամ վնասի և ընդամենը ակտիվների կամ ընդամենը պարտավորությունների համեմատությամբ.
- (գ) իրական արժեքների հիերարխիայի 3-րդ մակարդակին դասված իրական արժեքների չափումների գծով սկզբնական և վերջնական մնացորդների միջև համաձայնեցումը՝ առանձին բացահայտելով ժամանակաշրջանի ընթացքում այն փոփոխությունները, որոնք վերագրվում են ստորև նշվածներին՝
 - (ի) ժամանակաշրջանի գծով ընդամենը օգուտներ կամ կորուստներ, որոնք ձանաչվել են շահույթում կամ վնասում, ինչպես նաև այն բանի նկարագրությունը, թե որտեղ են դրանք ներկայացվել համապարփակ ֆինանսական արդյունքի մասին հաշվետվությունում կամ ֆինանսական արդյունքի մասին առանձին հաշվետվությունում (եթե ներկայացվում է).
 - (ii) այլ համապարփակ ֆինանսական արդյունքում ձանաչված ընդամենը օգուտներ կամ կորուստներ.
 - (iii) գնումներ, վաճառքներ, թողարկումներ և մարումներ (յուրաքանչյուր տեսակը բացահայտելով առանձին).
 - (iv) 3-րդ մակարդակում ներառված և այնտեղից հանված փոխանցումներ (օրինակ՝ շուկայական տվյալների դիտարկելիության փոփոխություններին վերագրվող փոխանցումները) և դրանց պատճառները: Նշանակալի փոխանցումների դեպքում 3-րդ մակարդակում ներառված փոխանցումները պետք է բացահայտվեն և բացատրվեն 3-րդ մակարդակից հանվածներից առանձին.
- (դ) վերը (գ)(i)-ում նշված շահույթում կամ վնասում ժամանակաշրջանի գծով ընդամենը օգուտների կամ կորուստների գումարը, որոնք վերագրելի են հաշվետու ժամանակաշրջանի վերջի դրությամբ առկա ակտիվներին և պարտավորություններին վերաբերող օգուտներին կամ կորուստներին, ինչպես նաև այն բանի նկարագրությունը, թե որտեղ են դրանք ներկայացվել համապարփակ ֆինանսական արդյունքի մասին հաշվետվությունում կամ ֆինանսական արդյունքի մասին առանձին հաշվետվությունում (եթե ներկայացվում է).
- (ե) 3-րդ մակարդակին դասված իրական արժեքների չափումների գծով, եթե մեկ կամ ավելի ելակետային տվյալների փոփոխումը ողջամտորեն հնարավոր այլընտրանքային ենթադրությունների շրջանակում նշանակալորեն կփոփոխեր իրական արժեքը, ապա

կազմակերպությունը պետք է նշի այդ փաստը և բացահայտի այդ փոփոխությունների ազդեցությունը: Կազմակերպությունը պետք է բացահայտի, թե ինչպես է հաշվարկվել ողջամտորեն հնարավոր այլընտրանքային ենթադրությունների շրջանակում փոփոխության ազդեցությունը: Այս նպատակի համար նշանակալիությունը պետք է գնահատվի շահույթի կամ վնասի և ընդամենը ակտիվների կամ ընդամենը պարտավորությունների համեմատությամբ, կամ, եթե իրական արժեքի փոփոխությունները ճանաչվում են այլ համապարփակ ֆինանսական արդյունքում, ընդամենը սեփական կապիտալի համեմատությամբ:

Կազմակերպությունը սույն պարագրաֆով պահանջվող բացահայտումները պետք է ներկայացնի այդուսակային ծեաչափով, բացառությամբ երբ այլ ծեաչափն ավելի տեղին է:

- 28 Եթե ֆինանսական գործիքի համար շուկան ակտիվ չէ, կազմակերպությունը դրա իրական արժեքը որոշում է՝ օգտագործելով գնահատման հնարք (տես ՀՀՍՍ 39-ի ԿՈՒ71-ԿՈՒ79 պարագրաֆները): Այնուամենայնիվ, սկզբնական ձանաշման ժամանակ իրական արժեքի ամենալավ վկայությունը գործարի գիմն է (այսինքն, տրված կամ ստացված հատուցման իրական արժեքը), բացառությամբ, երբ բավարարված են ՀՀՍՍ 39-ի ԿՈՒ76 պարագրաֆում նկարագրված պայմանները: Այստեղից հետևում է, որ կարող է տարբերություն լինել սկզբնական ձանաշման ժամանակ իրական արժեքի և այն գումարի միջև, որը կորոշվեր այդ ամսաթվի դրությամբ գնահատման հնարքի օգտագործամբ: Եթե կա այդպիսի տարբերություն, կազմակերպությունը պետք է, ըստ ֆինանսական գործիքների դասերի, բացահայտի:
- (ա) հաշվապահական հաշվառման իր քաղաքականությունը շահույթ կամ վնասում այդ տարբերությունը ձանաշելու գծով՝ արտացոլելու համար այն գործոնների (ներայալ ժամանակի) փոփոխությունը, որոնք շուկայի մասնակիցները հաշվի կարնեին գներ սահմանելիս (տես ՀՀՍՍ 39-ի ԿՈՒ76 պարագրաֆը), և
 - (բ) ընդհանուր տարբերությունը, որը դեռ պետք է ճանաչվի շահույթ կամ վնասում, ժամանակաշրջանի սկզբի և վերջի դրությամբ, և այդ տարբերության մնացորդի փոփոխությունների համաձայնեցումը:
- 29 Իրական ամենա բացահայտումները չեն պահանջվում՝
- (ա) երբ հաշվեկշռային արժեքը ներկայացնում է իրական արժեքի խելամիտ մոտեցում, օրինակ, այնպիսի ֆինանսական գործիքների դեպքում, ինչպիսիք են կարճաժամկետ արևտրային դեբիտորական և կրեդիտորական պարտքերը,
 - (բ) ակտիվ շուկայում գնանշում չունեցող բաժնային գործիքներում կամ այդպիսի բաժնային գործիքների հետ կապված ածանցյալ գործիքներում ներդրման համար, որը, ՀՀՍՍ 39-ին համապատասխան, իրական արժեքը արժանահավատորեն չափելու անհնարինության պատճառով, չափում է ինքնարժեքով, կամ
 - (գ) հայեցողական մասնակցության հատկանիշ պարունակող պայմանագրերի (ինչպես նկարագրված է ՖՀՍՍ 4-ում) համար, եթե այդ հատկանիշի իրական արժեքը հնարավոր չէ արժանահավատորեն չափել:
- 30 29(բ) և (գ) պարագրաֆներում նկարագրված դեպքերում կազմակերպությունը պետք է բացահայտի այնպիսի տեղեկատվություն, որը օգնի ֆինանսական հաշվետվությունների օգտագործողներին կատարել իրենց սեփական դատողությունները այդ ֆինանսական ակտիվների կամ ֆինանսական պարտավորությունների հաշվեկշռային արժեքի և իրական արժեքի միջև հնարավոր տարբերությունների չափի վերաբերյալ, ներառյալ՝
- (ա) այն փաստը, որ այդ գործիքների իրական արժեքի մասին տեղեկատվություն չի բացահայտվել, քանի որ իրական արժեքը հնարավոր չէ արժանահավատորեն չափել,
 - (բ) ֆինանսական գործիքների նկարագրությունը, դրանց հաշվեկշռային արժեքը, և այն բանի բացատրությունը, թե ինչու իրական արժեքը հնարավոր չէ արժանահավատորեն չափել,
 - (գ) տեղեկատվություն գործիքների շուկայի վերաբերյալ
 - (դ) տեղեկատվություն այն մասին, թե արդյոք կազմակերպությունը մտադիր է օտարել ֆինանսական գործիքները և ինչպես,

- (Ե) Եթե ֆինանսական գործիքները, որոնց իրական արժեքը նախկինում հնարավոր չէր արժանահավատորեն չափել, ապաձայվել են, ապա այդ փաստը, դրանց հաշվեկշռային արժեքը ապաձանաշման պահին, ինչպես նաև ձանաչված օգուտի կամ կորստի գումարը:

Ֆինանսական գործիքներից առաջացող ռիսկերի բնույթն ու չափը

- 31 Կազմակերպությունը պետք է բացահայտի տեղեկատվություն, որը հնարավորություն է տալիս ֆինանսական հաշվետվություններն օգտագործողներին գնահատել ֆինանսական գործիքներից առաջացող ռիսկերի բնույթն ու չափը, որոնց ենթակա է կազմակերպությունը հաշվետու ժամանակաշրջանի վերջի դրությամբ:
- 32 Պարագրաֆներ 33-42-ով պահանջվող բացահայտումները կենտրոնացած են ֆինանսական գործիքներից առաջացող ռիսկերի վրա, ինչպես նաև այն բանի վրա, թե ինչպես են այդ ռիսկերը կառավարվում: Սովորաբար այդ ռիսկերը ներառում են պարտքային ռիսկը, իրացվելիության ռիսկը և շուկայական ռիսկը, սակայն չեն սահմանափակվում դրանցով:

Որակական բացահայտումներ

- 33 Ֆինանսական գործիքներից առաջացող յուրաքանչյուր տեսակի ռիսկի համար կազմակերպությունը պետք է բացահայտի.
- (ա) ռիսկին ենթարկվածությունը և այն, թե ինչպես է դա առաջանում,
- (բ) ռիսկի կառավարման իր նպատակները, քաղաքականությունը և ընթացակարգերը, ինչպես նաև ռիսկի չափման համար օգտագործվող մեթոդները, և
- (գ) (ա) կամ (բ) կետերում նշվածների փոփոխությունները նախորդ ժամանակաշրջանի համեմատ:

Քանակական բացահայտումներ

- 34 Ֆինանսական գործիքներից առաջացող յուրաքանչյուր տեսակի ռիսկի համար կազմակերպությունը պետք է բացահայտի.
- (ա) քանակական աճփոփ տվյալներ հաշվետու ժամանակաշրջանի վերջում այդ ռիսկին իր ենթարկվածության վերաբերյալ: Այս բացահայտումը պետք է հիմնված լինի այն ներքին տեղեկատվության վրա, որը տրամադրվում է կազմակերպության առանցքային կառավարչական անձնակազմին (ինչպես սահմանված է «Կապակցված կողմերի բացահայտում» ՀՀՍՍ 24-ում), օրինակ կազմակերպության տնօրենների խորհրդին կամ գլխավոր գործադիր տնօրենին,
- (բ) 36-42-րդ պարագրաֆներով պահանջվող բացահայտումներ, այն չափով, որքանով դրանք չեն բացայատվել (ա) կետում, բացառությամբ, երբ ռիսկն էական չէ (Էականությունը քննարկվում էՀՍՍ 1-ի 29-31 պարագրաֆներում).
- (գ) ռիսկի կենտրոնացումները, եթե դրանք ակնհայտ չեն (ա) և (բ) կետերից:
- 35 Եթե հաշվետու ժամանակաշրջանի վերջի դրությամբ բացահայտված քանակական տվյալները չեն ներկայացնում ժամանակաշրջանի ընթացքում կազմակերպության ռիսկին ենթարկվածությունը, կազմակերպությունը պետք է տրամադրի լրացուցիչ տեղեկատվություն՝ ներկայացնելու համար այդ ենթարկվածությունը:

Պարտքային ռիսկ

- 36 Կազմակերպությունը պետք է ըստ ֆինանսական գործիքների դասերի բացահայտի.
- (ա) հաշվետու ժամանակաշրջանի վերջի դրությամբ իր պարտքային ռիսկին առավելագույն ենթարկվածությունը լավագույնս ներկայացնող գումարը՝ առանց հաշվի առնելու

պահվող գրավը կամ պարտքի որակի բարելավման այլ միջոցները (օրինակ, հաշվանցման համաձայնագրեր, որոնք չեն բավարարում հաշվանցման չափանիշներին ըստ <ՀՍՍ 32-ի>,

- (թ) (ա) կետում բացահայտված գումարի գծով՝ որպես ապահովություն պահվող գրավի կամ պարտքի որակի բարելավման այլ միջոցների նկարագրությունը,
- (զ) տեղեկատվություն այն ֆինանսական ակտիվների՝ պարտքային ռիսկի առումով որակի մասին, որոնք ոչ ժամկետանց են, ոչ էլ արժեգրկված, և
- (ը) այն ֆինանսական ակտիվների հաշվեկշռային արժեքը, որոնց պայմանները վերանայվել են, և որոնք այլապես ժամկետանց կամ արժեգրկված կլինեին:

Ժամկետանց կամ արժեգրկված ֆինանսական ակտիվներ

- 37 Կազմակերպությունը պետք է ըստ ֆինանսական ակտիվների դասերի բացահայտի.
- (ա) այն ֆինանսական ակտիվների ժամկետների (կյանքի տևողության) վերլուծությունը, որոնք հաշվետու ժամանակաշրջանի վերջի դրությամբ ժամկետանց են, բայց արժեգրկված չեն,
- (թ) այն ֆինանսական ակտիվների վերլուծությունը, որոնք անհատապես որոշվել են որպես արժեգրկված հաշվետու ժամանակաշրջանի վերջի դրությամբ, ներառյալ այն գործուները, որոնք հաշվի են առնվել կազմակերպության կողմից, եթե որոշվել է, որ դրանք արժեգրկված են, և
- (զ) (ա) և (թ) կետերում բացահայտված գումարների գծով, որպես ապահովություն պահվող գրավի և պարտքի որակի բարելավման այլ միջոցների նկարագրությունը և, եթե դա հնարավոր է, նրանց իրական արժեքի գնահատականը:

Ստացված գրավը և պարտքի որակի բարելավման այլ միջոցները

- 38 Եթե կազմակերպությունը, իր կողմից որպես ապահովություն պահվող գրավի նկատմամբ սեփականություն ձեռք բերելով կամ պարտքի բարելավման առկա այլ միջոցներից (օր.՝ երաշխիքից) օգտվելով, ժամանակաշրջանի ընթացքում ձեռք է բերում ֆինանսական կամ ոչ ֆինանսական ակտիվներ, և այդ ակտիվները բավարարում են այլ ստանդարտներով սահմանված ճանաչման չափանիշներին, կազմակերպությունը պետք է բացահայտի.
- (ա) ձեռք բերած ակտիվների բնույթը և հաշվեկշռային արժեքը, և
- (թ) եթե ակտիվները հեշտորեն փոխարկելի չեն դրամական միջոցների, այդպիսի ակտիվների օտարնան կամ իր գործունեությունում օգտագործման քաղաքականությունը:

Իրացվելիության ռիսկ

- 39 Կազմակերպությունը պետք է բացահայտի՝
- (ա) ոչ ածանցյալ ֆինանսական պարտավորությունների (ներառյալ թողարկված ֆինանսական երաշխիքի պայմանագրերի) մարման ժամկետների վերլուծություն, որը ցույց է տալիս պայմանագրային մնացյալ մարման ժամկետները.
- (թ) ածանցյալ ֆինանսական պարտավորությունների մարման ժամկետների վերլուծություն։ Մարման ժամկետների վերլուծությունը պետք է ներառի այն ածանցյալ ֆինանսական պարտավորությունների պայմանագրային մարման մնացյալ ժամկետները, որոնց համար պայմանագրային մարման ժամկետներն էական են՝ դրամական հոսքերի ժամկետները հասկանալու համար (տե՛ս պարագանք Բ11Բ).
- (զ) այն բանի նկարագրությունը, թե ինչպես է նա կառավարում (ա) (թ) կետում նշվածներին ներհատուկ իրացվելիության ռիսկը:

Շուկայական ռիսկ

Զգայնության վերլուծություն

- 40 Եթե կազմակերպությունը չի համապատասխանում պարագրաֆ 41-ում նկարագրվածին, ապա այն պետք է բացահայտի:
- (ա) զգայնության վերլուծություն շուկայական ռիսկի, որին կազմակերպությունը ենթարկված է ժամանակաշրջանի վերջի դրությամբ, յուրաքանչյուր տեսակի գծով՝ ցուց տալով, թե շահույթ կամ վնասի կամ սեփական կապիտալի վրա ինչպես կազդեխն ռիսկային փոփոխականի՝ այդ ամսաթվի դրությամբ ողջամտորեն հնարավոր փոփոխությունները.
- (բ) զգայնության վերլուծությունը պատրաստելիս օգտագործված մեթոդները և ենթադրությունները, և
- (գ) նախորդ ժամանակաշրջանի համեմատ օգտագործված մեթոդների և ենթադրությունների փոփոխությունները և այդ փոփոխությունների պատճառները:
- 41 Եթե կազմակերպությունը կատարում է զգայնության այնպիսի վերլուծություն, ինչպիսին է, օրինակ, ռիսկին ենթակա արժեքը, որն արտացոլում է ռիսկային փոփոխականների (օրինակ՝ տոկոսադրույցների և արտադրույթի փոխարժեքների) փոփոխականացվածությունը, և այն օգտագործում է ֆինանսական ռիսկերը կառավարելու նպատակով, ապա կազմակերպությունը կարող է օգտագործել զգայնության այդ վերլուծությունը պարագրաֆ 40-ում նշված վերլուծության փոխարեն: Կազմակերպությունը պետք է բացահայտի նաև.
- (ա) այդպիսի զգայնության վերլուծություն պատրաստելիս օգտագործված մեթոդի և տրամադրված տվյալների հիմքում ընկած հիմնական պարամետրերի ու ենթադրությունների բացատրությունը,
- (բ) օգտագործված մեթոդի նպատակի և այն սահմանափակումների բացատրությունը, որոնք կարող են արդյունքում հանգեցնել այնպիսի տեղեկատվության, որն ամբողջովին չի արտացոլում համապատասխան ակտիվների և պարտավորությունների իրական արժեքը:

Շուկայական ռիսկի վերաբերյալ այլ բացահայտումներ

- 42 Եթե 40 կամ 41 պարագրաֆին համապատասխան բացահայտված զգայնության վերլուծությունը չի ներկայացնում ֆինանսական գործիքին ներհատուկ ռիսկը (օրինակ, այն պատճառով, որ տարեվերջի դրությամբ ռիսկին ենթարկվածությունը չի արտացոլում տարվա ընթացքում ռիսկին ենթարկվածությունը), ապա կազմակերպությունը պետք է բացահայտի այդ փաստը, ինչպես նաև պատճառները, որոնց հիման վրա նա ենթադրում է, որ զգայնության վերլուծությունը չի ներկայացնում ռիսկերը:

Ուժի մեջ մտնելը և անցումային դրույթները

- 43 Կազմակերպությունը սույն ստանդարտը պետք է կիրարի 2007 թվականի հունվարի 1-ին կամ դրանից հետո սկսվող տարեկան ժամանակաշրջանների համար: Վաղաժամ կիրառումը խրախուսելի է: Եթե կազմակերպությունը սույն ստանդարտը կիրառում է ավելի վաղ ժամանակաշրջանի համար, ապա նա պետք է բացահայտի այդ փաստը:
- 44 Եթե կազմակերպությունը սույն ՖՀՄՍ-ն կիրառում է նախքան 2006 թվականի հունվարի 1-ը սկսվող տարեկան ժամանակաշրջանների համար, ապա նա կարող է չներկայացնել համադրելի տեղեկատվություն 31-42 պարագրաֆներով՝ պահանջվող՝ ֆինանսական գործիքներից առաջացող ռիսկերի բնույթի և չափի վերաբերյալ բացահայտումների գծով:
- 44Ա ՀՀՄՍ 1-ը (2007-ին վերանայված) փոփոխել է ՖՀՄՍ-ներում օգտագործվող տերմինները: Բացի այդ, այն փոփոխել է 20, 21, 23(գ) և (դ), 27(գ) պարագրաֆները և Հավելված Բ-ի պարագրաֆ Բ5-ը: Կազմակերպությունը այդ փոփոխությունները պետք է կիրարի 2009 թվականի հունվարի 1-ին

- կամ դրանից հետո սկսվող տարեկան ժամանակաշրջանների համար: Եթե կազմակերպությունը ՀՀՍՍ 1-ը (2007-ին վերանայված) կիրառում է ավելի վաղ ժամանակաշրջանի համար, ապա այդ փոփոխությունները պետք է կիրառվեն այդ ավելի վաղ ժամանակաշրջանի համար:
- 44Բ ՖՀՍՍ 3-ը (2008-ին վերանայված) համել է 3(գ) պարագրաֆը: Կազմակերպությունը այդ փոփոխությունը պետք է կիրարի 2009 թվականի հունվարի 1-ին կամ դրանից հետո սկսվող տարեկան ժամանակաշրջանների համար: Եթե կազմակերպությունը ՖՀՍՍ 3-ը (2008-ին վերանայված) կիրառում է ավելի վաղ ժամանակաշրջանի համար, այդ փոփոխությունը նույնպես պետք է կիրարվի այդ ավելի վաղ ժամանակաշրջանի համար:
- 44Գ Կազմակերպությունը պարագրաֆ 3-ի փոփոխությունը պետք է կիրարի 2009 թվականի հունվարի 1-ին կամ դրանից հետո սկսվող տարեկան ժամանակաշրջանների համար: Եթե կազմակերպությունը 2008 թվականի փետրվարին հրապարակված «Վերադարձնելի ֆինանսական գործիքներ և լուծարման ժամանակ առաջացող պարտականություններ»-ը (Փոփոխություններ ՀՀՍՍ 32-ում և ՀՀՍՍ 1-ում) կիրառում է ավելի վաղ ժամանակաշրջանի համար, ապա պարագրաֆ 3-ի փոփոխությունը պետք է կիրարվի այդ ավելի վաղ ժամանակաշրջանի համար:
- 44Դ 3(ա) պարագրաֆը փոփոխվել է 2008 թվականի մայիսին հրապարակված «ՖՀՍՍ-ների բարելավումներ» փաստաթորով: Կազմակերպությունը այդ փոփոխությունը պետք է կիրարի 2009 թվականի հունվարի 1-ին կամ դրանից հետո սկսվող տարեկան ժամանակաշրջանների համար: Կաղածամ կիրառությունը թույլատրվում է: Եթե կազմակերպությունը փոփոխությունը կիրառում է ավելի վաղ ժամանակաշրջանի համար, նա պետք է բացահայտի այդ փաստը և այդ ավելի վաղ ժամանակաշրջանի համար կիրարի ՀՀՍՍ 28-ի 1-ին պարագրաֆի, ՀՀՍՍ 31-ի 1-ին պարագրաֆի և ՀՀՍՍ 32-ի 4-րդ պարագրաֆի՝ 2008 թվականի մայիսին հրապարակված փոփոխությունները: Թույլատրվում է այդ փոփոխությունները կիրարել առաջընթաց:
- 44Ե 2008 թվականի հոկտեմբերին հրապարակված «Ֆինանսական ակտիվների վերադասակարգում» (Փոփոխություններ ՀՀՍՍ 39-ում և ՖՀՍՍ 7-ում) փաստաթուղթը փոփոխել է պարագրաֆ 12-ը և ավելացրել է պարագրաֆ 12Ա-ն: Կազմակերպությունը այդ փոփոխությունները պետք է կիրարի 2008 թվականի հուլիսի 1-ին կամ դրանից հետո:
- 44Զ 2008 թվականի նոյեմբերին հրապարակված «Ֆինանսական ակտիվների վերադասակարգում. ուժի մեջ մտնելը և անցումային դրույթներ»-ը (Փոփոխություններ ՀՀՍՍ 39-ում և ՖՀՍՍ 7-ում) փոփոխել է պարագրաֆ 44Ե-ն: Կազմակերպությունը այդ փոփոխությունը պետք է կիրարի 2008 թվականի հուլիսի 1-ին կամ դրանից հետո:
- 44Է 2009 թվականի մարտին հրատարակված «Ֆինանսական գործիքների մասին բացահայտումների բարելավում» (Փոփոխություններ ՖՀՍՍ 7-ում) փաստաթուղթը փոփոխել է 27-րդ, 39-րդ և Բ11 պարագրաֆները և ավելացրել է 27Ա, 27Բ, Բ10Ա և Բ11Ա–Բ11Զ պարագրաֆները: Կազմակերպությունը այդ փոփոխությունները պետք է կիրարի 2009 թվականի հունվարի 1-ին կամ դրանից հետո սկսվող տարեկան ժամանակաշրջանների համար: Կիրառության առաջին տարում կազմակերպությունը պարտավոր չէ տրամադրել համարելի տեղեկատվություն այդ փոփոխություններով պահանջվող բացահայտումների գծով: Կաղածամ կիրառությունը թույլատրվում է: Եթե կազմակերպությունը փոփոխությունները կիրառում է ավելի վաղ ժամանակաշրջանի համար, նա պետք է բացահայտի այդ փաստը:

ՀՀՍՍ 30 -ի գործողության դադարեցումը

- 45 Սույն ՖՀՍՍ-ն փոխարինում է «Բացահայտումներ բանկերի և նմանատիպ ֆինանսական հաստատությունների ֆինանսական հաշվետվություններում» ՀՀՍՍ 30-ին:

Հավելված Ա

Սահմանումներ

Սույն հավելվածը այս ՖՀՄՄ-ի անբաժան մասն է:

պարտքային ռիսկ	Այն բանի ռիսկը, որ ֆինանսական գործիքի իրական արժեքը կամ ապագա դրամական հոսքերը կտատանվեն արտարժույթի փոփոխարժեքների փոփոխությունների հետևանքով:
տոկոսադրույքային ռիսկ	Այն բանի ռիսկը, որ ֆինանսական գործիքի իրական արժեքը կամ ապագա դրամական հոսքերը կտատանվեն՝ շուկայական տոկոսադրույքների փոփոխությունների հետևանքով:
իրացվելիության ռիսկ	Այն բանի ռիսկը, որ կազմակերպությունը դժվարություններ կունենա այն ֆինանսական պարտավորությունների հետ կապված իր պարտականությունները կատարելիս, որոնք մարվելու են՝ դրամական միջոց կամ այլ ֆինանսական ակտիվ տրամադրելով:
վարկային պարտավորություններ	Վարկային պարտավորություններ ֆինանսական պարտավորություններ են, որոնք չեն հանդիսանում կարձագանման առևտրական կրեդիտորական պարքեր՝ վճարման սովորական ժամկետներով:
շուկայական ռիսկ	Այն բանի ռիսկը, որ ֆինանսական գործիքի իրական արժեքը կամ ապագա դրամական հոսքերը կտատանվեն շուկայական գների փոփոխությունների հետևանքով: Շուկայական ռիսկը ներառում է երեք տեսակի ռիսկ՝ արժութային ռիսկ, տոկոսադրույքային ռիսկ և այլ գնային ռիսկ:
այլ գնային ռիսկ	Այն բանի ռիսկը, որ ֆինանսական գործիքի իրական արժեքը կամ ապագա դրամական հոսքերը կտատանվեն շուկայական գների փոփոխությունների (բացի տոկոսադրույքային ռիսկից և արժութային ռիսկից առաջացողներից) արդյունքում, անկախ այն բանից, թե այդ փոփոխությունները պայմանավորված են առանձին ֆինանսական գործիքն կամ դրա թողարկողին հատուկ գործոններով, թե շուկայում շրջանառվող բոլոր նմանատիպ ֆինանսական գործիքների վրա ազդող գործոններով:
ժամկետանց	Ֆինանսական ակտիվը ժամկետանց է, եթե կոնտրագենտը պայմանագրով սահմանված ժամկետում չի կատարել վճարումը:

Հետևյալ տերմինները սահմանված են ՀՀՄՍ 32-ի 11-րդ կամ ՀՀՄՍ 39-ի 9-րդ պարագրաֆում և սույն ՖՀՄՄ-ում օգտագործվում են ՀՀՄՍ 32-ում և ՀՀՄՍ 39-ում որոշակիացված իմաստներով.

- ֆինանսական ակտիվի կամ ֆինանսական պարտավորության ամորտիզացված արժեք
- վաճառքի համար մատչելի ֆինանսական ակտիվներ
- ապաձանաշում
- ածանցյալ գործիք (կամ ածանցյալ)
- արդյունավետ տոկոսադրույթի մեթոդ
- բաժնային գործիք

- իրական արժեք
- ֆինանսական ակտիվ
- «իրական արժեքով՝ շահույթ կամ վնասի միջոցով» չափվող ֆինանսական ակտիվ կամ ֆինանսական պարտավորություն
- առևտրական նպատակով պահպող ֆինանսական ակտիվ կամ ֆինանսական պարտավորություն
- ֆինանսական երաշխիքի պայմանագիր
- ֆինանսական գործիք
- ֆինանսական պարտավորություն
- կանխատեսված գործարք
- հեջավորման գործիք
- մինչև մարման ժամկետը պահպող ներդրումներ
- փոխառություններ և դեբիտորական պարտքեր
- ստանդարտ ընթացակարգով գնում կամ վաճառք

Հավելված Բ

Կիրառման ուղեցույց

Սույն հավելվածը այս ՖՀՄՍ-ի անբաժան մասն է:

Ֆինանսական գործիքների դասեր և բացահայտումների խորության աստիճանը (պարագրաֆ 6)

- Բ1 Պարագրաֆ 6-ը պահանջում է, որ կազմակերպությունը ֆինանսական գործիքները խմբավորի ըստ այնպիսի դասերի, որոնք համապատասխանում են բացահայտվող տեղեկատվության բնույթին և որոնք հաշվի են առնում այդ ֆինանսական գործիքների բնութագրերը: Պարագրաֆ 6-ում նկարագրված դասերը որոշվում են կազմակերպության կողմից և, հետևաբար, տարբերվում են ֆինանսական գործիքների կատեգորիաներից, որոնք նշված են ՀՀՄՍ 39-ում (որոնք սահմանում են, թե ինչպես են չափվում ֆինանսական գործիքները, և որտեղ են ձանաչվում իրական արժեքի փոփոխությունները):
- Բ2 Ֆինանսական գործիքների դասերը որոշելիս՝ կազմակերպությունը պետք է առնվազն՝
- (ա) ամրութագացվող արժեքով չափվող գործիքները զատի իրական արժեքով չափվողներից,
- (բ) որպես առանձին դաս կամ դասեր դիտարկի այն ֆինանսական գործիքները, որոնք դրվագ են սույն ՖՀՄՍ-ի գործողության ոլորտից:
- Բ3 Կազմակերպությունը, ելնելով իր սեփական հանգամանքներից, որոշում է, թե ինչ աստիճանի մանրամասներ այն պետք է ներկայացնի սույն ՖՀՄՍ-ի պահանջները բավարարելու համար, որքան ուշադրություն պետք է դարձնի այդ պահանջների տարրեր ասաելուների վրա, և ինչպես է այն ընդհանրացնելու տեղեկատվությունը՝ ամբողջական պատկերը ցույց տալու համար, ընդ որում, առանց միավորելու տարրեր բնութագրեր ունեցող տեղեկատվությունը: Անհրաժեշտ է հավասարակշռություն գտնել երկու ծայրահեղությունների միջև՝ մի կողմից՝ ֆինանսական հաշվետվությունները ավելորդ մանրամասներով ծանրաբեռնելու, որոնք կարող են օգտակար չլինել ֆինանսական հաշվետվություններն օգտագործողներին, և մյուս կողմից՝ չափազանց ընդհանրացման հետևանքով կարևոր տեղեկատվությունը չներկայացնելու կամ անհստակ ներկայացնելու: Օրինակ, կազմակերպությունը չպետք է ստվերի կարևոր տեղեկատվություն՝

ներառելով այն մեծ քանակառյամբ ոչ կարևոր մանրամասների մեջ: Նմանապես, կազմակերպությունը չպետք է բացահայտի այնչափ ընդհանրացված տեղեկատվություն, որը թույլ չի տալիս գանազանել առանձին գործարքների կամ դրանց հետ կապված ռիսկերի միջև էական տարրերությունները:

Ֆինանսական գործիքների նշանակությունը ֆինանսական վիճակի և գործունեության արդյունքների համար

«Իրական արժեքով՝ շահույթ կամ վնասի միջոցով չափվող» ֆինանսական պարտավորություններ (պարագրաֆներ 10 և 11)

- Բ4 Եթե կազմակերպությունը ֆինանսական պարտավորությունը նախորոշում է որպես «իրական արժեքով՝ շահույթ կամ վնասի միջոցով չափվող», ապա 10(ա) պարագրաֆը պահանջում է, որ այն բացահայտի ֆինանսական պարտավորության իրական արժեքի փոփոխության գումարը, որը վերագրելի է պարտավորության պարտքային ռիսկի փոփոխությանը: Պարագրաֆ 10(ա)(ի)-ն թույլատրում է, որ այդ գումարը որոշվի որպես պարտավորության իրական արժեքի փոփոխության գումար, որը վերագրելի չէ շուկայական պայմանների փոփոխությանը, որոնք առաջանում են շուկայական ռիսկ: Եթե պարտավորությանը առնչվող շուկայական պայմանների փոփոխությունները միայն դիտարկված (ելակետային) տոկոսադրույթի փոփոխություններն են, ապա այդ գումարը կարող է գնահատվել հետևյալ կերպ:
- (ա) Նախ՝ կազմակերպությունը հաշվարկում է պարտավորության ներքին հատուցադրույթը ժամանակաշրջանի սկզբի դրությամբ՝ օգտագործելով պարտավորության դիտարկված շուկայական գինը և պարտավորության պայմանագրային դրամական հոսքերը ժամանակաշրջանի սկզբում: Կազմակերպությունը այդ հատուցադրույթից հանում է ժամանակաշրջանի սկզբին դիտարկված (ելակետային) տոկոսադրույթը՝ ստանալու համար ներքին հատուցադրույթի՝ գործիքին հատուկ բաղադրիչը:
- (բ) Այնուհետև՝ կազմակերպությունը հաշվարկում է պարտավորության հետ կապված դրամական հոսքերի ներկա արժեքը՝ օգտագործելով պարտավորության պայմանագրային դրամական հոսքերը ժամանակաշրջանի վերջում և գեղշման դրույթը, որը հավասար է (i) ժամանակաշրջանի վերջին դիտարկված (ելակետային) տոկոսադրույթի և, (ii) ներքին հատուցադրույթի՝ գործիքին հատուկ բաղադրիչի (ա) կետին համապատասխան որոշված) հանրագումարին:
- (գ) Ժամանակաշրջանի վերջում պարտավորության դիտարկված շուկայական գնի և (բ) կետում նշվածին համապատասխան հաշվարկած գումարի տարբերությունը ներկայացնում է իրական արժեքի փոփոխությունը, որը վերագրելի չէ դիտարկված (ելակետային) տոկոսադրույթների փոփոխությանը: Այդ գումարը պետք է բացահայտվի:

Այս օրինակում ենթադրվում է, որ իրական արժեքի փոփոխությունները, որոնք առաջանում են ոչ թե գործիքի պարտքային ռիսկի փոփոխություններից կամ տոկոսադրույթի փոփոխություններից, այլ՝ ուրիշ գործոններից, նշանակալի չեն: Եթե օրինակում բերված գործիքը պարունակում է ներկառուցված ածանցյալ գործիք, ապա, պարագրաֆ 10(ա)-ին համապատասխան բացահայտվելիք գումարը որոշելիս, ներկառուցված ածանցյալ գործիքի իրական արժեքի փոփոխությունը չի ներառվում:

Այլ բացահայտումներ. հաշվապահական քաղաքականություն (պարագրաֆ 21)

- Բ5 Պարագրաֆ 21-ը պահանջում է բացահայտել ֆինանսական հաշվետվությունների պատրաստման համար օգտագործված չափման հիմունքը (կամ հիմունքները) և հաշվապահական հաշվառման քաղաքականության այլ տարրերը, որոնք տեղին են ֆինանսական հաշվետվությունները հասկանալու համար: Ֆինանսական գործիքների համար այդպիսի բացահայտումները կարող են ներառել.

- (ա) որպես «իրական արժեքով՝ շահույթ կամ վնասի միջոցով չափվող» նախորոշված ֆինանսական ակտիվների և ֆինանսական պարտավորությունների համար.
- (i) ֆինանսական ակտիվների կամ ֆինանսական պարտավորությունների բնույթը, որոնք նախորոշվել են որպես «իրական արժեքով՝ շահույթ կամ վնասի միջոցով չափվող»,
 - (ii) այդ ֆինանսական ակտիվները կամ ֆինանսական պարտավորությունները որպես այդպիսին սկզբնական ձանաշման ժամանակ նախորոշելու չափանիշներ,
 - (iii) այն, թե ինչպես է կազմակերպությունը բավարարել **ՀՀՍՍ 39-ի 9, 11Ա** կամ 12 պարագրաֆների պայմանները այդպիսի նախարորշման վերաբերյալ: Այն գործիքների համար, որոնք նախորոշվել են **ՀՀՍՍ 39-ում** պարունակվող «իրական արժեքով՝ շահույթ կամ վնասի միջոցով չափվող» ֆինանսական ակտիվի կամ ֆինանսական պարտավորության սահմանման (բ)(i) պարագրաֆին համապատասխան, այդ բացահայտումը ներառում է այն հանգամանքների նկարագրությունը, որոնք այլպես (այսինքն՝ ակտիվները և պարտավորությունները այլ հիմունքով չափելիս կամ ձանաչելիս) կիանգեցներին չափման կամ ձանաշման անհետևողականությունների: Այն գործիքների համար, որոնք նախորոշվել են ըստ **ՀՀՍՍ 39-ում** պարունակվող «իրական արժեքով՝ շահույթ կամ վնասի միջոցով չափվող» ֆինանսական ակտիվի կամ ֆինանսական պարտավորության սահմանման (բ)(ii) պարագրաֆին համապատասխան, այդ բացահայտումը ներառում է այն բանի նկարագրությունը, թե որպես «իրական արժեքով՝ շահույթ կամ վնասի միջոցով» նախորոշումը ինչպես է հետևողականորեն համապատասխանում կազմակերպության փաստաթուրավորած ռիսկի կառավարման կամ ներդրումային ռազմավարությանը:
- (բ) ֆինանսական ակտիվները որպես վաճառքի համար մատչելի նախորոշելու չափանիշները.
- (գ) այն, թե արդյոք ֆինանսական ակտիվների ստանդարտ ընթացակարգով գնումները կամ վաճառքները հաշվառվում են առևտորի օրվա դրությամբ, թե վերջնահաշվարկի օրվա դրությամբ (տես **ՀՀՍՍ 39-ի պարագրաֆ 38-ը**):
- (դ) եթե պարտքային կորուստների արդյունքում արժեզրկված ֆինանսական ակտիվների հաշվեկշռային արժեքի նվազեցման համար օգտագործվում է պահուստի հաշիվ, ապա՝
- (i) այն չափանիշները, որոնցով որոշվում է, թե երբ է արժեզրկված ֆինանսական ակտիվների հաշվեկշռային արժեքը նվազեցվում ուղղակիորեն (կամ, դրւու գոված գումարների հետադարձան դեպքում, ավելացվում ուղղակիորեն), և երբ է օգտագործվում պահուստի հաշիվ, և
 - (ii) այն չափանիշները, ըստ որոնց պահուստի հաշվին դեբետագրված գումարների հաշվին (դիմաց) դրւու է գրվում արժեզրկված ֆինանսական ակտիվների արժեքը (տես՝ պարագրաֆ 16):
- (ե) այն, թե ինչպես են որոշվում ֆինանսական գործիքի յուրաքանչյուր կատեգորիայի գծով գուտ օգուտները կամ գուտ կորուստները (տես՝ պարագրաֆ 20(ա)), օրինակ, արդյոք «իրական արժեքով՝ շահույթի կամ վնասի միջոցով չափվող» հոդվածի գծով գուտ օգուտները կամ գուտ կորուստները ներառում են տոկոսային կամ շահաբաժնային եկամուտ.
- (զ) այն չափանիշները, որոնք օգտագործում է կազմակերպությունը՝ որոշելու համար արժեզրկումից կորստի առաջացման օբյեկտիվ վկայության առկայությունը (տես՝ պարագրաֆ 20(ե)).
- (է) երբ վերանայվել են այն ֆինանսական ակտիվների պայմանները, որոնք հակառակ դեպքում ժամկետանց կամ արժեզրկված կլինեին, ապա այն հաշվապահական քաղաքականությամբ, որը վերաբերում է վերանայված պայմանների առարկա հանդիսացող ֆինանսական ակտիվներին (տես՝ պարագրաֆ 36(է)):

ՀՀՍՍ 1-ի պարագրաֆ 122-ը (2007թ-ին վերանայված) պահանջում է, որ կազմակերպությունը հաշվապահական հաշվառման քաղաքականության նշանակալի դրույթների ամփոփման մեջ կամ այլ ծանոթագրություններում բացահայտի նաև այն դատողությունները, բացի նրանցից, որ Ենթադրում են գնահատումներ, որոնք կատարել է դեկավարությունը կազմակերպության հաշվապահական հաշվառման քաղաքականությունը կիրաւելիս, և որոնք ունեն ամենամեծ ազդեցությունը ֆինանսական հաշվետվություններում ձանաչված գումարների վրա:

Ֆինանսական գործիքներից առաջացող ռիսկերի բնույթը և չափը (պարագրաֆներ 31–42)

Բ6 Պարագրաֆներ 31-42-ով պահանջվող բացահայտումները կամ պետք է ներկայացվեն ֆինանսական հաշվետվություններում, կամ ֆինանսական հաշվետվություններում հորում կատարելով, ներառվեն այլ հաշվետվությունների մեջ, ինչպիսիք են, օրինակ, դեկավարության մեկնաբանությունները կամ ռիսկի մասին հաշվետվությունը, որոնք մատչելի են օգտագործողներին նույն պայմաններով և նույն ժամանակ, ինչ որ ֆինանսական հաշվետվությունները: Առանց այդպիսի փոխհղումների միջոցով ներառված տեղեկատվության, ֆինանսական հաշվետվությունները թերի են:

Քանակական բացահայտումներ (պարագաֆ 34)

Բ7 34(ա) պարագրաֆը պահանջում է ամփոփ քանակական տվյալների բացահայտում կազմակերպության ռիսկին ենթարկվածության մասին հիմնված ներքին տեղեկատվության վրա, որը տրամադրվում է առանցքային կառավարչական անձնակազմին: Երբ կազմակերպությունը ռիսկին ենթարկվածությունը կառավարելու համար օգտագործում է նի քանի մերոդ, կազմակերպությունը պետք է տեղեկատվությունը բացահայտի՝ օգտագործելով այն մերոդը կամ մերոդները, որոնք ապահովում են ամենատեղին և ամենաարժանահավատ տեղեկատվություն: Տեղին լինելը և արժանահավատությունը քննարկվում են «Հաշվապահական հաշվառման քաղաքականություն, փոփոխություններ հաշվապահական հաշվառման գնահատումներում և սիսայներ» ՀՀՍՍ 8-ում:

Բ8 34(գ) պարագրաֆը պահանջում է բացահայտումներ ռիսկի համակենտրոնացման մասին: Ռիսկի համակենտրոնացումը առաջանում է ֆինանսական գործիքներից, որոնք ունեն համանանա բնութագրեր և տնտեսական և այլ պայմանները համանանա կերպով են ագրում նրանց վրա: Ռիսկի համակենտրոնացման փաստի որոշումը պահանջում է դատողություն՝ հաշվի առնելով կազմակերպության հանգամանքները: Ռիսկի համակենտրոնացման բացահայտումը պետք է ներառի.

- (ա) այն քանի նկարագրությունը, թե ինչպես է դեկավարությունը որոշում համակենտրոնացումը,
- (բ) այն ընդհանուր բնութագրերի նկարագրությունը, որոնք որոշում են յուրաքանչյուր համակենտրոնացում(օրինակ, կոնստրագենտը, աշխարհագրական տարածքը, փոխարժեքը կամ շուկան), և
- (գ) ռիսկին ենթարկվածության գումարը՝ կապված տվյալ բնութագիրը կիսող բոլոր ֆինանսական գործիքների հետ:

Պարտքային ռիսկին առավելագույն ենթարկվածությունը (պարագաֆ 36(ա))

Բ9 Պարագրաֆ 36(ա)-ն պահանջում է բացահայտել այն գումարը, որը լավագույնս ներկայացնում է պարտքային ռիսկին առավելագույն ենթարկվածությունը: Ֆինանսական ակտիվի համար դա, սովորաբար, համախառն հաշվեկշռային արժեքն է, հանաձ.

- (ա) ՀՀՍՍ 32-ին համապատասխան հաշվանցված ցանկացած գումար , և,
- (բ) ՀՀՍՍ 39-ին համապատասխան ձանաչված ցանկացած արժեզրկումից կորուստ:

- P10 Գործունեության այն ձևերը, որոնցից առաջանում է պարտքային ռիսկը, և դրա հետ կապված պարտքային ռիսկին առավելագույն ենթարկվածությունը, ներառում են մասնավորապես հետևյալները.
- (ա) հաճախորդներին փոխառությունների և դեբիտորական պարտքերի տրամադրումը և այլ կազմակերպություններում ավանդների ներդնումը: Այս դեպքերում պարտքային ռիսկին առավելագույն ենթարկվածությունը համապատասխան ֆինանսական ակտիվի հաշվեկշռային արժեքն է.
 - (բ) ածանցյալ գործիքների կնքումը, օրինակ, արտարժույթի փոխանակման պայմանագրեր, տոկոսադրույթային սվոպեր և վարկային ածանցյալ գործիքներ: Եթե արդյունքում առաջացած ակտիվը չափվում է իրական արժեքով, ապա պարտքային ռիսկին առավելագույն ենթարկվածությունը հաշվետու ժամանակաշրջանի վերջում հավասար կլինի հաշվեկշռային արժեքին.
 - (գ) Ֆինանսական երաշխիքների տրամադրում: Այս դեպքում պարտքային ռիսկին առավելագույն ենթարկվածությունը առավելագույն գումարն է, որ կազմակերպությունը ստիպված կլինի վճարել, եթե պահանջվի կատարել երաշխիքը, որը կարող է շատ ավելի մեծ լինել, քան որպես պարտավորություն ժանաչած գումարը:
 - (դ) Վարկ տալու պարտավորվածության ստանձնում, որը անհետկանչելի է պայմանագրի ժամկետի ընթացքում, կամ հետկանչելի է միայն էական անբարենպաստ փոփոխության դեպքում: Եթե թողարկողը չի կարող մարել վարկ տալու պարտավորվածությունը գուտ հիմունքով դրամական միջոցով կամ մեկ այլ ֆինանսական գործիքով, ապա պարտքային ռիսկին առավելագույն ենթարկվածությունը պարտավորվածության ամբողջ գումարն է: Պատճառը այն է, որ անորոշ է, թե արդյոք որևէ չստացված մասի գումարը կարող է պահանջվել ապագայում: Այս գումարը կարող է շատ ավելի մեծ լինել, քան որպես պարտավորություն ժանաչած գումարը:

Իրացվելիության ռիսկի քանակական բացահայտումներ (պարագրաֆներ 34(ա) և 39(ա) և (բ))

- P10U 34(ա) պարագրաֆին համապատասխան՝ կազմակերպությունը բացահայտում է ամփոփ քանակական տվյալներ իրացվելիության ռիսկին իր ենթարկվածության մասին՝ առանցքային կառավարչական անձնակազմին տրամադրվող ներքին տեղեկատվության հիման վրա: Կազմակերպությունը պետք է բացահայտի, թե ինչպես են այդ տվյալները որոշվել: Եթե այդ տվյալներում ներառված դրամական միջոցի (կամ այլ ֆինանսական ակտիվի) արտահոսքերը կարող են՝
- (ա) կամ տեղի ունենալ տվյալներում նշվածից նշանակալիորեն ավելի վաղ.
 - (բ) կամ լինել տվյալներում նշվածներից նշանակալիորեն տարբեր գումարներով (օրինակ՝ այն ածանցյալի գծով, որը տվյալներում ներառված է գուտ մարման հիմունքով, սակայն որի գծով կոնտրագենտն իրավունք ունի պահանջելու համախառն հիմունքով մարում), ապա կազմակերպությունը պետք է նշի այդ փաստը և տրամադրի քանակական տեղեկատվություն, որն իր ֆինանսական հաշվետվություններն օգտագործողներին հնարավորություն կտա գնահատելու ռիսկի չափը, բացառությամբ երբ այդ տեղեկատվությունը ներառված է 39(ա) կամ (բ) պարագրաֆով պահանջվող պայմանագրային մարման ժամկետների վերլուծությունում:
- P11 39(ա) և (բ) պարագրաֆով պահանջվող մարման ժամկետների վերլուծությունը պատրաստելիս կազմակերպությունն օգտագործում է իր դատողությունը՝ որոշելու համար համապատասխան ժամանակային միջակայքերի թիվը: Օրինակ՝ կազմակերպությունը կարող է որոշել, որ տեղին են հետևյալ ժամանակային միջակայքերը՝
- (ա) ոչ ավել, քան մեկ ամիս.
 - (բ) ավելին, քան մեկ ամիսը, բայց ոչ ավել, քան երեք ամիս.
 - (գ) ավելին, քան երեք ամիս, բայց ոչ ավել, քան մեկ տարի

- (η) αψειχήν, քան մեկ տարի, բայց η αψει, քան հինգ տարի:
- Բ11Ա 39(ա) և (բ) պարագրաֆի պահանջը կատարելիս կազմակերպությունը չպետք է ներկառուցված ածանցյալը առանձնացնի հիբրիդային (կոմբինացված) ֆինանսական գործիքից: Այդպիսի գործիքի համար կազմակերպությունը պետք է կիրարի 39(ա) պարագրաֆը:
- Բ11Բ 39(բ) պարագրաֆը պահանջում է, որ կազմակերպությունը ածանցյալ ֆինանսական պարտավորությունների գծով բացահայտի մարման ժամկետների քանակական վերլուծություն, որը ցույց է տալիս պայմանագրային մնացյալ մարման ժամկետները, եթե պայմանագրային մարման ժամկետներն էական են՝ դրամական հոսքերի ժամկետները հասկանալու համար: Օրինակ՝ այդպես կարող է լինել՝
- (ա) հինգ տարի մարման ժամկետով տոկոսադրույքային սվոպի դեպքում՝ փոփոխական դրույքով ֆինանսական ակտիվի կամ պարտավորության դրամական հոսքերի հեջում.
- (բ) Վարկ տալու բոլոր պարտավորվածությունների դեպքում:
- Բ11Գ 39(ա) և (բ) պարագրաֆները պահանջում են, որ կազմակերպությունը բացահայտի ֆինանսական պարտավորությունների մարման ժամկետների վերլուծություն, որը ցույց է տալիս որոշ ֆինանսական պարտավորությունների պայմանագրային մնացյալ մարման ժամկետները: Այդ բացահայտումը կատարելիս՝
- (ա) Երբ կոնտրագենտը կարող է ընտրել, թե երբ է գումարը վճարվելու, պարտավորությունը վերագրվում է այն ամենավաղ ժամանակաշրջանին, որի ընթացքում կազմակերպությունից կարող է պահանջվել վճարել: Օրինակ՝ ֆինանսական պարտավորությունները, որոնք կազմակերպությունից կարող է պահանջվել մարել ըստ պահանջի (օրինակ՝ ցանցահանգ ավանդները), ներառվում են ամենավաղ ժամանակային միջակայքի մեջ.
- (բ) Երբ կազմակերպությունը պարտավորվել է գումարները հասանելի դարձնել տարաժամկետ վճարումներով, յուրաքանչյուր վճարում ներառվում է այն ամենավաղ ժամանակային միջակայքում, որում կազմակերպությունից կարող է պահանջվել վճարումը: Օրինակ՝ չօգտագործված վարկային գիծը (վարկ տալու պարտավորվածությունը) ներառվում է այն ժամանակային միջակայքում, որը պարունակում է այն ամենավաղ ամսաթիվը, երբ այն կարող է օգտագործվել.
- (գ) Թողարկված ֆինանսական երաշխիքի պայմանագրերի գծով երաշխիքի առավելագույն գումարը վերագրվում է այն ամենավաղ ժամանակաշրջանին, որում կարող է պահանջվել երաշխիքի կատարումը:
- Բ11Դ 39(ա) և (բ) պարագրաֆով պահանջվող մարման ժամկետների վերլուծությունում բացահայտվող պայմանագրային գումարները իրենցից ներկայացնում են պայմանագրային չգեղշված դրամական հոսքերը, օրինակ՝
- (ա) ֆինանսական վարձակալության գծով համախառն պարտականությունները (նախքան ֆինանսական ծախսերը հանելը).
- (բ) Փորվարդային համաձայնագրով նախատեսված՝ դրամական միջոցով ֆինանսական ակտիվներ գնելու գները.
- (գ) գուտ գումարները «փոփոխական վճարելու - ֆիքսված ստանալու» տոկոսադրույքային այն սվոպերի գծով, որոնց գծով փոխանակվում են գուտ դրամական հոսքերը.
- (դ) Փոխանակվելիք պայմանագրային գումարները այն ածանցյալ ֆինանսական գործիքում (օրինակ՝ արժութային սվոպում), որի գծով փոխանակվում են համախառն դրամական հոսքերը.
- (ե) Վարկ տալու պարտավորվածությունների համախառն գումարը:
- Այդպիսի չգեղշված դրամական հոսքերը տարբերվում են ֆինանսական վիճակի մասին հաշվետվությունում ներառված գումարից, քանի որ վերջինս հիմնված է գեղշված դրամական հոսքերի վրա: Երբ վճարվելիք գումարը ֆիքսված չէ, բացահայտվող գումարը որոշվում է՝ հաշվետու ժամանակաշրջանի վերջի դրությամբ գոյություն ունեցող պայմաններից ելնելով:

Օրինակ՝ եթե վճարվելիք գումարը տատանվում է որևէ ինդեքսի փոփոխություններից կախված, բացահայտվող գումարը կարող է իմանվել այդ ինդեքսի ժամանակաշրջամի վերջի աժեքի վրա:

- Բ11Ե 39(գ) պարագրաֆը պահանջում է, որ կազմակերպությունը բացահայտի, թե ինչպես է ինքը կառավարում 39(ա) և (բ) պարագրաֆով պահանջվող քանակական բացահայտումներում բացահայտված հոդվածներին ներհատուկ իրացվելիության ռիսկը: Կազմակերպությունը պետք է բացահայտի իրացվելիության ռիսկը կառավարելու նպատակով պահպող ֆինանսական ակտիվների մարման ժամկետների վերլուծություն (օրինակ՝ ֆինանսական ակտիվներ, որոնք հեշտությամբ կարող են վաճառվել, կամ ակնկալվում է, որ կստեղծեն դրամական ներհոսքեր՝ բավարարելու համար ֆինանսական պարտավորությունների դրամական արտահոսքերը), եթե այդ տեղեկատվությունն անհրաժեշտ է, որպեսզի իր ֆինանսական հաշվետվություններն օգտագործողները հնարավորություն ունենան գնահատելու իրացվելիության ռիսկի բնույթը ու չափը:
- Բ11Ե Այլ գործոնների, որոնք կազմակերպությունը կարող է հաշվի առնել 39(գ) պարագրաֆով պահանջվող բացահայտումը կատարելիս, թվին են պատկանում, մասնավորապես, թե արդյոք կազմակերպությունը՝
- (ա) ունի կոմերցիոն փոխառության միջոցներ (օրինակ՝ կոմերցիոն արժեթղթեր) կամ այլ վարկային գծեր (օրինակ՝ պահեստային վարկային միջոցներ), որոնցից այն կարող է օգտվել՝ իրացվելիության կարիքները բավարարելու համար.
 - (բ) պահում է ավանդներ առևտրային բանկերում՝ իրացվելիության կարիքները բավարարելու համար.
 - (գ) ունի ֆինանսավորման շատ բազմազան աղբյուրներ.
 - (դ) ունի իրացվելիության ռիսկի նշանակալի կենտրոնացումներ կամ իր ակտիվներում, կամ իր ֆինանսավորման աղբյուրներում.
 - (է) ունի ներքին վերահսկողության գործընթացներ և արտակարգ դեպքերում գործելու պլաններ՝ իրացվելիության ռիսկը կառավարելու համար.
 - (զ) ունի գործիքներ, որոնք նախատեսում են արագացված վճարման պայմաններ (օրինակ՝ կազմակերպության վարկունակության (վարկանիշի) նվազման դեպքում).
 - (է) ունի գործիքներ, որոնք կարող են պահանջել գրավադրում (օրինակ՝ ածանցյալների գծով լրացուցիչ ապահովության պահանջը).
 - (ը) ունի գործիքներ, որոնք կազմակերպությանը իրավունք են տալիս իր ֆինանսական պարտավորությունները մարելու՝ կամ՝ դրամական միջոց (կամ այլ ֆինանսական ակտիվ) տրամադրելով, կամ իր իսկ բաժնետոմսերը տրամադրելով. կամ
 - (թ) ունի գործիքներ, որոնք հանդիսանում են հաշվանցման գլխավոր համաձայնագրի առարկա:
- Բ12-Բ16 [Հանված է]

Շուկայական ռիսկ. զգայնության վերլուծություն (պարագրաֆներ 40 և 41)

- Բ17 Պարագրաֆ 40(ա)-ն պահանջում է, որ զգայնության վերլուծություն կատարվի շուկայական ռիսկի յուրաքանչյուր տեսակի համար, որին ենթարկված է կազմակերպությունը: Բ3 պարագրաֆին համապատասխան՝ կազմակերպությունը որոշում է, թե, ամբողջական պատկեր ցույց տալու նպատակով, ինչպես այն պետք է ընդհանրացնի տեղեկատվությունը՝ առանց միավորելու նշանակալիորեն տարբեր տնտեսական միջավայրերից առաջացող ռիսկերին ենթարկվածության վերաբերյալ տարբեր բնութագրերով տեղեկատվությունը: Օրինակ,
- (ա) կազմակերպությունը, որը ֆինանսական գործիքների առքուվաճառքով է զբաղվում, կարող է բացահայտել այս տեղեկատվությունը առանձին՝ առևտրական նպատակով պահպող ֆինանսական գործիքների համար, և առանձին՝, առևտրական նպատակներով չպահպողների համար.

	(բ)	կազմակերպությունը գերսղաձային տարածաշրջաններում շուկայական ռիսկերին իր Ենթարկվածությունը չպետք է միավորի շատ ցածր սղաճով տարածաշրջաններում նույն շուկայական ռիսկերին իր Ենթարկվածության հետ:
		Եթե կազմակերպությունը Ենթարկված է միայն մեկ տեսակի շուկայական ռիսկի միայն մեկ տնտեսական միջավայրում, այն չպետք է ներկայացնի մասնատված (ապախողորացված) տեղեկատվություն:
P18		Պարագաֆ 40(ա)-ն պահանջում է, որ զգայնության վերլուծություն ցույց տա, թե ինչպիսին կլինի շահույթի կամ վնասի և կապիտալի վրա՝ համապատասխան ռիսկային փոփոխականի (օրինակ, գերակշռող շուկայական տոկոսադրույթների, արտարժությի փոխարժեքների, բաժնետոնմերի գների կամ ապրանքների գների) ողջամտորեն հնարավոր փոփոխությունների ազդեցությունը: Այս նպատակով.
	(ա)	կազմակերպություններից չի պահանջվում որոշել, թե ինչպիսին կլինի ժամանակաշրջանի շահույթ կամ վնասը, եթե համապատասխան ռիսկային փոփոխականները տարբեր լինեն: Փոխարենը՝ կազմակերպությունները բացահայտում են հաշվետու ժամանակաշրջանի վերջի դրությամբ շահույթ կամ վնասի և կապիտալի վրա ազդեցությունը՝ Ենթադրելով, որ համապատասխան ռիսկային փոփոխականի խելամտորեն հնարավոր փոփոխությունը տեղի է ունեցել հաշվետու ժամանակաշրջանի վերջի դրությամբ, և կիրառվել է այդ ամսաթվին գոյություն ունեցող ռիսկի Ենթարկվածության նկատմամբ: Օրինակ, եթե կազմակերպությունը տարեկան դրությամբ ունի լողացող տոկոսադրույթով պարտավորություն, կազմակերպությունը կբացահայտի ազդեցությունը շահույթ կամ վնասի (այսինքն՝ տոկոսային ծախսի) վրա ընթացիկ տարվա համար, եթե տոկոսադրույթները փոփոխված լինեն խելամտորեն հնարավոր գումարներով.
	(բ)	կազմակերպություններից չի պահանջվում բացահայտել համապատասխան ռիսկային փոփոխականի՝ խելամտորեն հնարավոր փոփոխությունների միջակայքի ներսում յուրաքանչյուր փոփոխության ազդեցությունը շահույթ կամ վնասի և սեփական կապիտալի վրա: Բավարար է միայն խելամտորեն հնարավոր միջակայքի սահմանային փոփոխությունների ադեցությունների բացահայտումը:
P19		Համապատասխան ռիսկային փոփոխականի խելամտորեն հնարավոր փոփոխությունը որոշելիս՝ կազմակերպությունը պետք է դիտարկի.
	(ա)	տնտեսական միջավայրերը, որոնցում այն գործում է: Խելամտորեն հնարավոր փոփոխությունը չպետք է ներարի շատ քիչ հավանական կամ «վատագույն դեպքի» սցենարը կամ «ստրեսային թեստեր»: Ավելին, եթե հիմքում ընկած փոփոխականի փոփոխության տեմպը կայուն է, կարիք չկա, որ կազմակերպությունը փոփոխի ռիսկային փոփոխականի՝ իր կողմից ընտրված խելամտորեն հնարավոր փոփոխությունը: Օրինակ, Ենթադրենք՝ տոկոսադրույթները 5 տոկոս են, և կազմակերպությունը որոշել է, որ տոկոսադրույթի խելամտորեն հնարավոր տատանումը 50 բազիսային կետ է: Այն պետք է բացահայտի ազդեցությունը շահույթ կամ վնասի և սեփական կապիտալի վրա, եթե տոկոսադրույթները փոփոխվեին դաշնալով 4.5 տոկոս կամ 5.5 տոկոս: Հաջորդ ժամանակաշրջանում տոկոսադրույթները բարձրացել են մինչև 5.5 տոկոս: Կազմակերպությունը շարունակում է Ենթադրել, որ տոկոսադրույթները կարող են տատանվել՝ 50 բազիսային կետով (այսինքն, որ տոկոսադրույթների փոփոխության տեմպը կայուն է): Կազմակերպությունը կբացահայտի ազդեցությունը շահույթ կամ վնասի և սեփական կապիտալի վրա, եթե տոկոսադրույթները փոփոխվեին՝ դաշնալով 5 տոկոս կամ 6 տոկոս: Կազմակերպությունը պարտավոր չէ Վերանայել իր գնահատականը այն մասին, որ տոկոսադրույթները խելամտորեն կարող են տատանվել՝ 50 բազիսային կետով, բացառությամբ, եթե ի հայտ է գալիս վկայություն այն մասին, որ տոկոսադրույթները դարձել են զգալիորեն ավելի անկայուն.
	(բ)	ժամանակային միջակայքը, որի համար այն կատարում է գնահատումը: Զգայնության վերլուծությունը պետք է ցույց տա փոփոխությունների ազդեցությունը, որոնք դիտարկվում են որպես խելամտորեն հնարավոր տվյալ ժամանակաշրջանի ընթացքում,

մինչև որ կազմակերպությունը հաջորդ անգամ ներկայացնի այս բացահայտումները, ինչը սովորաբար, իր հաջորդ տարեկան հաշվետու ժամանակաշրջանն է:

- Բ20 Պարագափ 41-ը կազմակերպությանը թույլ է տալիս օգտագործել զգայնության վերլուծությունը, որն արտացոլում է ռիսկային փոփոխականների փոխկապակցվածությունը, ինչպիսին է, օրինակ, ռիսկին ենթակա արժեքի մեթոդաբանությունը, եթե կազմակերպությունն օգտագործում է այդ վերլուծությունը ֆինանսական ռիսկերին իր ենթարկվածությունը կառավարելու նպատակով: Դա կիրարեկի է նույնիսկ այն դեպքում, եթե այդպիսի մեթոդաբանությունը չափում է միայն հնարար կորուստները, բայց չի չափում հնարավոր օգուտները: Այդպիսի կազմակերպությունը կարող է համապատասխանել 41(ա) պարագափի պահանջն՝ բացահայտելով ռիսկին ենթակա արժեքի օգտագործվող մոդելի տեսակը (օրինակ, արդյոք, մոդելը հիմնվում է Մոնթե Կարլոյի սիմուլյացիաների վրա), մոդելի աշխատանքի սկզբունքների բացատրությունը և հիմնական ենթադրությունները (օրինակ, պահման ժամանակահատվածը և վստահության մակարդակը): Կազմակերպությունները կարող են նաև բացահայտել դիտարկումների իրականացման ժամանակահատվածը և այդ ժամանակահատվածի ընթացքում դիտարկումներին տրված կշիռներին, բացատրություն, թե հաշվարկներում ինչպես են հաշվի առնվել ընտրանքները, ինչպես նաև, թե փոփոխականությունների և կորելիացիաների ինչ գործակիցներ (կամ, որպես այլընտրանք, Մոնթե Կարլոյի հավանականությունների բաշխման սիմուլյացիաներ) են օգտագործվել:
- Բ21 Կազմակերպությանը պետք է տրամադրի զգայնության վերլուծություն իր ամբողջ բիզնեսի համար, սակայն կարող է կատարել տարբեր տիպի զգայնության վերլուծության ֆինանսական գործիքների տարբեր դասերի համար:

Տոկոսադրույթային ռիսկ

- Բ22 *Տոկոսադրույթային ռիսկը* առաջանում է ֆինանսական վիճակի մասին հաշվետվությունում ձանաչված տոկոսակիր ֆինանսական գործիքների (օրինակ, փոփոխությունների, դեբիտորական պարտքերի և թողարկված պարտքային գործիքների) գծով և ֆինանսական վիճակի մասին հաշվետվությունում չձանաչված որոշ ֆինանսական գործիքների (օրինակ, որոշ վարկ տալու պարտավորվածությունների) գծով:

Արժութային ռիսկ

- Բ23 *Արժութային ռիսկը* (կամ արտարժութային ռիսկը) առաջանում է ֆինանսական գործիքներից, որոնք արտահայտված են արտարժույթով, այսինքն արժույթով, որը տարբեր է ֆունկցիոնալ արժույթից, որով դրանք չափվում են: Սույն ՖՀԸՍՍ-ի նպատակներով, արժույթային ռիսկ չի առաջանում ոչ դրամական հոդվածներ հանդիսացող ֆինանսական գործիքներից, ինչպես նաև ֆունկցիոնալ արժույթով արտահայտված ֆինանսական գործիքներից:
- Բ24 Զգայնության վերլուծություն է բացահայտվում յուրաքանչյուր արժույթի համար, որի գծով կազմակերպությունը էականորեն ենթարկված է ռիսկի:

Այլ գնային ռիսկ

- Բ25 *Այլ գնային ռիսկը* ֆինանսական գործիքների գծով առաջանում է, օրինակ, ապրանքների գների կամ բաժնետոմսների գների փոփոխությունների պատճառով: Պարագափ 40-ի պահանջները բավարարելու համար կազմակերպությունը կարող է բացահայտել որոշակի բորսայական հներքի, ապրանքի գնի կամ այլ ռիսկային փոփոխականի նվազման ազդեցությունը: Օրինակ, եթե կազմակերպությունը տրամադրում է մնացորդային արժեքի երաշխիքներ, որոնք ֆինանսական գործիքներ են, ապա կազմակերպությունը պետք է բացահայտի այն ակտիվների արժեքի աճը կամ նվազումը, որոնց նկատմամբ կիրառվում է երաշխիքը:
- Բ26 Բաժնետոմսների գնի գծով ռիսկ առաջանալող ֆինանսական գործիքների երկու օրինակներ են՝ (ա) այլ կազմակերպության բաժնետոմսներում ներդրումներ անելը և (բ) ներդրումը տրաստում, որն, իր հերթին ներդրում ունի բաժնային գործիքներում: Այլ օրինակներից են որոշակի քանակությամբ բաժնային գործիքներ գնելու կամ վաճառելու ֆորվարդային պայմանագրերը և

օպցիոնները, և բաժնետոմսերի գների գծով ինդեքսավորված սվոպերը: Այդպիսի ֆինանսական գործիքների իրական արժեքի վրա ազդեցություն է գործում հիմքում ընկած բաժնային գործիքների շուկայական գինը:

- P27 40(ա) պարագրաֆին համապատասխան՝ շահույթ կամ վնասի զգայնությունը (որն առաջանում է, օրինակ,՝ որպես «իրական արժեքով՝ շահույթ կամ վնասի միջոցով» դասակարգված գործիքներից և վաճառքի համար մատչելի ֆինանսական ակտիվների արժեզրկումից) բացահայտվում է սեփական կապիտալի զգայնությունից (որն առաջանում է, օրինակ, որպես վաճառքի համար մատչելի դասակարգված գործիքներից) առանձին:
- P28 Ֆինանսական գործիքները, որոնք կազմակերպությունը դասակարգել է որպես բաժնային գործիքներ, չեն վերաչափում: Ոչ շահույթ կամ վնասի, ոչ էլ սեփական կապիտալի վրա ազդեցություն չի ունենա այդ բաժնային գործիքների գների փոփոխության ռիսկը: Համապատասխանաբար, զգայնության վերլուծություն չի պահանջվում: